

直奉大戰史



競智圖書館出版

直奉大戰史提要

本書編輯大意。以反對軍閥力懲內亂爲主旨。首列直奉兩方之正面戰電與側面戰電。俾國人資以鑒別是非。發抒真正之民意。次載各名人之戰事評論。及直奉戰鬪之情形。勝敗之結果。以垂炯鑒於來茲。全書按時輯錄。應有盡有。所採事實。至真至確。凡我國人手置一編。藉以洞悉政變。公判功罪。奮起而使用國民所有之裁制權。彼武人或將從此自知武力難恃。民意當尊。不致再蹈覆轍。而軍閥內亂之武劇。庶可於此截止。以撤幕。是則編者竊抱之願望也。

上海图书馆藏书



A541 212 0016 15038

中華民國十一年

直奉大戰史

競智圖書館出版



直奉大戰史目錄

直奉戰電實錄

- 吳佩孚效日通電……………一
- 吳佩孚齊燮元等關盜之馬日通電……………三
- 曹錕養日通電……………四
- 吳佩孚痛斥財閥盜閥之通電……………六
- 吳佩孚拒絕調停之漾電……………七
- 吳佩孚答覆浙盧之敬電……………八
- 吳佩孚齊燮元等宣布張作霖十大罪狀之通電……………九
- 吳佩孚齊燮元等致外交團之聲明電……………一二
- 張作霖皓日通電……………一三
- 張作霖漾日通電……………一五

張作霖有日通電	一七
張作霖沁日通電	一八
浙盧贊成奉張之箇電	二一
滬何贊成浙盧之養電	二二
海軍總司令反對奉張之有電	二三
六調人致曹張之箇電	二三
六調人致吳佩孚之養電	二五
直奉戰事僉載	
直奉軍電報戰爭與軍官會議	二六
直奉「人」與「十」之軍勢推測	二八
某署長對於直奉軍之預判	三一
某要人直奉形勢一席談	三二

直奉軍接戰前之布置	三八
張作霖態度轉變之原因	四〇
曹錕變更態度之關鍵	四一
例行的片面的之調停一幕	四三
直軍抱定戰奉爲戰日的一種敵愾	四七
吳孚威與西人之戰事談話	四八
西報詆張鬚此次弄兵適如囊中之鼈	五二
此次戰禍乃九年鬚帥之一語造成	五三
戰聲中孚威勒令眷口回保之難能	五四
戰事中北京社會恐慌之狀況	五五
直奉正式交戰之開始	五六
京畿維持治安之辦法	五七

- 直軍飛機所散之招降傳單……………五八
- 西報恭維直軍之戰局觀……………五九
- 吳佩孚採用歐戰時大量的聯合戰術……………六二
- 西人視察直奉戰地之實狀……………六三
- 奉方津貼報紙之盲言……………六七
- 西報力闢孚威陣亡之謠傳……………六八
- 各國觀戰員之批評……………六九
- 中國向來未有之惡戰……………七〇
- 猛戰後奉軍將敗之消息……………七一
- 都門圍困中探得之戰况……………七二
- 直軍以羸弱誘敵之勝算……………七四
- 直軍方面之紛紛報捷聲……………七五

直軍飛機驚擾奉軍心膽之效果	七九
軍艦截斷張鬍之歸路	八一
直軍追擊奉軍之京津觀	八二
奉軍傷兵之狼狽情形	八三
報告勝負之活動地圖	八四
奉軍高級軍官傷亡之數目	八四
吳使電慰張鬍幫送出關之趣語	八五
鬍子辮子連帶損失之晦氣	八六
吳使譬喻打仗如打獵之得意語	八六
吳使對於捧場獻媚者之痛斥	八七
吳使在津與各國記者之晤談	八七
吳使代表之要求	八九

禍首住宅之查封·····	八九
張鬚敗後之財產處置·····	九〇
張鬚敗後大發神經病·····	九〇
交系人物逃遁之醜現狀·····	九一
揭開內幕之直奉勝敗談·····	九二
西報對於吳佩孚之期望·····	九四
外人揣測吳佩孚之政治計劃·····	九六
孚威智賺鬚軍之餘譚·····	九七
曹錕之戰勝通電·····	九九

直奉大戰史

※直奉戰電實錄

●吳佩孚效日通電

(上略)接直隸省議會電以奉軍入關謠言紛起將見兵戈羣情惶恐紛紛來會懇代請命務懇雙方捐除成見免啓釁端本會代表三十萬人民九頓首以請等語當復一電文曰兵凶戰危自古爲戒余獨何心敢背斯義佩孚攻擊梁氏純爲其禍國媚外而發並無他種作用孰是孰非具有公論至對於奉軍佩孚上月蒸日通電業已明白表示是否退讓昭昭在人耳目乃直軍未越雷池一步而奉軍大舉入關節節進逼孰爲和平尤爲共見共聞之事貴會愛重和平竭誠勸告佩孚與曹巡閱使均極端贊同但奉軍不入關戰事無從而生諸君企望和平應請要求奉軍一律退出關外直軍以禮讓爲先對於奉軍向無畛域之見現雙方既處於嫌疑並應要求將駐京奉軍司令部同時撤消以

謀永久之和平。至京師及近畿治安。自有各機關負責。無庸奉軍越俎。從此各盡守土之責。各奉中央號令。直軍決不出關尋釁。否則我直軍忍無可忍。至不得已時。惟有出於自衛之一途。戰事應由何方負責。諸君明哲。必能辨之。抑佩孚更有言者。年來中央政局。均由奉張把持。佩孚向不干涉。卽曹巡閱使亦從無絕對之主張。此次梁氏恃有奉張保鑣。遂不惜禍國媚外。倒行逆施。梁氏如此。而爲之保鑣者。猶不許人民之呼籲。他人之訐發。專與國民心理背道而馳。誰縱天驕。而壹意孤行。若是諸君應知中國之分裂。自洪憲始。洪憲帝制之主張。以梁氏爲渠魁。丙辰以來。國庫負債。增至十餘萬萬。人民一身。不足以負擔。已貽及於子孫矣。乃猶以爲未足。必庇護此禍國殃民之蝥賊。使實施其最後之拍賣。至不惜以兵威相脅。迫推其居心。直以國家爲私產。人民爲猪仔。必將此一線生機。根本鏟除。而後已。夫以人民之膏血。養兵復以所養之兵。保護民賊。爲殃民之後盾。事之不平。孰有甚於此者。諸君代表直省三千萬人民。請命

佩孚竊願代表全國四萬萬人民請命也。敢布區區。惟諸君垂教焉。等語。謹聞。
吳佩孚效印。

●吳佩孚齊燮元等鬪盜之馬日通電

(上略) 慨自軍閥肆虐。盜匪橫行。殃民亂國。盜名欺世。不曰謀統一。卽曰去障礙。究竟統一誰謀。障礙誰屬。孰以法律事實爲標題。孰據上地人民爲私有。弄權者何人。鬪牆者安在。中外具瞻。全國共覩。當必有能辨之者。是故道義之言。以盜匪之口發之。則天下見其邪。邪者不見其正大。誥之。篇入於王莽之筆。則爲姦說。統一之言。出諸盜匪之口。則爲欺世。言道義而行盜匪。自以爲舉世可欺。聽其言而觀其行。殊不知肺肝如見。事實具在。欲蓋彌彰。徒形其心勞日拙也。佩孚等忝列戎行。以身許國。比年來去惡鋤奸。止戈定亂。無非爲謀和平。求統一耳。區區此心。中外共見。無論朝野耆碩。南北名流。如有嘉謨嘉猷。而可以促進和平者。無不降心以從。其有藉口謀統一。而先破統一。託詞去障礙。而

自爲障礙者。佩孚等外體友邦。勸告之誠。內拯國民。水火之痛。惟有盡我天職。扶持正義。彼以武力爲後盾。我以公理爲前驅。得道多助。失道寡助。試問害民病國者。何人結黨營私者。何人亂政干紀。剽劫國帑者。又何人輿論卽爲裁判。功罪自有定評。蠹賊不除。永無甯日。爲民國保莊嚴。爲華族存人格。凡我袍澤。職責攸在。除暴安民。義無反顧。敢布腹心。惟海內察之。吳佩孚。齊燮元。陳光遠。田中玉。趙倜。蕭耀南。馮玉祥。劉鎮華。同叩馬印。

●曹錕養日通電

(上略) 民國肇建。戰禍頻仍。國本漂搖。民生凋敝。華府會議以來。內政外交。艱難倍昔。存亡之機。間不容髮。國內一舉一動。皆爲世界所注目。近者奉軍隊伍。無故入關。既無中央明令。又不知會地方官長。長驅直入。環布京津。錕以事出倉卒。恐有誤會。是以竭力容忍。多方遷護。乃陸續進行。有加無已。鐵路左右。星羅棋布。如小站馬廠。大沽新城。朝宗橋。惠豐橋。燒烟盆。良王莊。獨流。楊柳青。

王慶坪靜海以及長辛店等處皆據險列戍以致人民奔徙行旅斷絕海內驚疑友邦駭怪錕有守土安民之責何詞以謝國家何顏以對人民耶向者國家多故兵爭迭起人民痛苦不堪言喻設兵事無端再啓不惟我父老子弟慘遭鋒鏑國基傾覆卽在目前言念及此痛心切骨頃據張巡閱使皓日通電謂統一無期則國家永無甯日障礙未去則統一終屬無期是以簡率師徒入關屯兵期以武力爲統一之後盾錕愚竊謂統一當以和平爲主幹萬不可以武力爲標準方今人心厭亂已極主張武力必失人心人心既失則統一無期可以斷言皓電又言統一進行如何公開會議如何確定制度當由全國耆年碩德政治名流共同討論似此則解決糾紛必歸聽之公論若以武力督迫其後則公論將爲武力所指揮海內人心豈能悅服總之張巡閱使若以和平爲統一之主幹此正錕數年來抱定之宗旨在今日尤爲極端贊同尤望張巡閱使迅令入關隊伍仍回關外原防靜聽國內耆年碩德政治名流之相與公同討論

若以武力爲統一之後盾。則前此之持武力統一主義者。不乏其人。覆轍相尋。可爲殷鑑。錕決不敢贊同。抑更不願張巡閱使之持此宗旨也。錕老矣。一介武夫。於國家大計。何敢輕於主張。諸公愛國之誠。謀國之忠。遠倍於錕。迫切陳詞。佇候明教。曹錕叩養印。

●吳佩孚痛斥財閥盜閱之通電

(上略)傳曰。與其有聚斂之臣。甯有盜臣。今則財閥與盜閱同惡相濟。狼狽爲奸。其禍乃甚於洪水猛獸。坐視不救。任其吞噬。囊括而去。吾民其無噍類矣。自張弧作俑。九六公債。全國人莫不譁然變色。以爲財政破產。實基於此。不獲已。奔走呼號。力求挽救。佩孚曾據海內公意。請將張弧交法庭嚴懲。以謝天下。當局者既未肯翻顏割愛。而旁觀者反以爲奇貨可居。張弧不南走粵而北走。胡以財閥而卵翼於盜閱之下。密結暮夜分金之約。竟於近日護送入都。竟又發行其九六公債。且擴充至一萬萬元。以六三價格贖回各銀行之擔保。與抵

押更以八釐息先付某國四千五百萬日暮途窮急不暇擇正爲盜閥席捲而逃之計以全國人民膏血而挹注爲盜泉之水以供羣盜之分肥稍有人心誰無義憤佩孚忝列戎行備位疆圻既負剿匪治盜之責應盡除黑鋤奸之義務懇我大總統勿爲盜威所攝迅緝張弧置諸顯戮以快人心財政當局如果甘冒不韙仰息盜閥之下而食張弧之餘吾國民亦必予以嚴厲之對待盜國通匪邦有常刑懷惠懷刑惟自擇焉吳佩孚養印

●吳佩孚拒絕調停之漾電

北京張金波趙次珊王聘卿王子春孟樹村張敬輿諸先生均鑒養電奉悉兵者不得已而用之佩孚束髮受書固嘗略聞斯義頻年以來保國衛民有應敵之師無侵略之戰中外具瞻固非自飾當亦諸公所深悉也和平統一人同此心然必個人守法紀而後全體之和平乃達地方嚴疆域而後國家之統一可期倘名爲促進而實則傾之擾亂京邑圍迫首都殘民以逞既爲國人共棄縮

軍符者亦惟有實行職責耳。正當防衛不可謂爭弔民伐罪不得謂戰。諸公必令佩孚堅忍以待其先令奉軍悉出榆關撤消其北京司令部再議調停否則戎首在奉勿第以堅忍責佩孚也。吳佩孚漾。

●吳佩孚答覆浙盧之敬電

杭州盧督軍鑒。個電奉悉。公忠體國。悲憫爲懷。逃聽下風。感惻曷已。聖賢固有不以人廢言之義。古今亦安有政以盜成之。國公之所道。洵爲不易之法。言惜乎所應者非其人也。張作霖身起鬚匪。盜心未改。歷年以來。殘民禍國。罪惡貫盈。固已中外共見。今乃於日暮途窮之際。勾結梁葉。餘孽剽竊。公開統一之虛名。隱行蠶食鯨吞之詭計。朦蔽國人。欺我袍澤。試問年來統一之障礙。疇任其責。中央一切施政。爲中外所致憾。而中央乃彼之外府也。掠劫國帑。壟斷政柄。權集於一人。禍中於國家。惆悵往事。言之增痛。佩孚頻年忍默坐視。豺狼殘噬。狐鼠縱橫。隱忍未嘗與較。梁氏辱權賣國。遠有神宇。淪胥之痛。近有桑梓。廬墓。

之悲。勉一詰問。同惡相濟。張脈僨輿。遂至於此。猶憶公言。辯匪當政。卽國人置而不問。余亦遁跡海外。不與同國。佩孚聞之。拳拳不忘。體以力行。以迄今日。田督過津。合肥面諭。不准助奉。諒公當亦有聞。故佩孚於茲有疑。而繼之以請也。一視同仁。固徵博愛。然大節所關。令名所繫。佩孚顧數十年所欽戴之恩。帥自愛尤厚也。救國以法。行法以人。胡逆不去。何以爲國。至會議如何。公開制度如何。確定付諸耆年碩德。政治名流。乃佩孚夙夜與公同。其禱祝者也。耿耿血誠。猶是昔年知我罪我。惟公教之。吳佩孚敬。

◎吳佩孚齊燮元等宣布張作霖十大罪狀之通電

(上略) 國人苦胡逆。張作霖久矣。曩以國家多故。犯而不校。啓大盜自新之路。存上天好生之德。涵育包荒。以有今日。斯固父老昆仲夙昔所怨責而佩孚等所內疚神明者也。狼子野心。非我族類。德不能化。語不能感。矯命亂紀。犯闕稱兵。罪惡貫盈。末日已至。長此容忍。姑息既無。以拯國民水火之苦。更無以答。

友邦希望之誠用敢厲兵秣馬整我戎行宜揭罪魁昭告中外張作霖包藏禍心窺竊神器盜取圖謀統一之名陰行破壞統一之實曩歲國民大會原期排難解紛而張則力阻其成比年西南北犯無非增長內亂而張則甘爲作倂近復勾結叛逆四出構兵障礙統一其罪一梁士詒洪憲禍首張作霖則舉爲總揆張勳復辟罪魁張作霖則邀求巡閱倒行逆施危害國體其罪二害莫大於禍國姦莫甚於通外張作霖兼而有之嗾使耿玉田運械俄人誘致蒙匪袒護梁士詒直接交涉斷送青膠勾通外人貽禍祖國稍有人心何忍出此喪權媚外其罪三華會告終友邦勸裁無用之兵而張作霖則招匪以爲兵青島收回吾國視爲新礪之試而張作霖則運匪以擾魯喪心病狂負罪友邦其罪四國之與立惟在法紀破法亂紀張實作俑以法令爲芻狗視元首若弁髦法紀蕩然政綱解紐擅調軍隊挾制中央壟斷政權屢召會議於京津威迫河間突爲進兵於浦口猶復陳師入關危及元首破壞法紀其罪五京師首善之區中外

屬目秩序森嚴。自張派奉軍盤據。白晝劫掠。跋扈恣睢。閭閻則一夕數驚。商賈則談虎色變。政以盜成。賊爲民害。豺狼當道。狐鼠橫行。縱匪殃民。其罪六。設官守土。各有其責。疆域攸分。界限斯判。特別三區。原屬直省管轄。京兆津沽。原爲直軍駐守。乃以德報怨。任其宰割。既佔察哈。復據熱河。京畿首都。乃成盜匪之外府。津沽要地。盡屬盜匪之防區。既讓小站馬廠。又讓靜海天津。彼竟得隴望蜀。佔據永清霸州。進窺保陽。讓之不已。無所逃避。守土保民。義無反顧。彼先開釁。贖武逞兵。其罪七。昔截秦皇島軍械。今劫三家店軍火。攫取餉糈。則竭澤而漁。剽竊金錢。則囊括以去。致使陸海各軍。餉糈無着。曩昔葉恭綽長交。則受賄三百萬。近今梁士詒入閣。又報効四百萬。張弧發行公債。則更所入無算。劫掠餉械。行同盜匪。其罪八。帝制安福之黨。則盤據要津。梁葉張弧之輩。則援爲護符。所有作姦犯科。亡命盜匪。無不收納。關外爲胡匪發源地。遼瀋爲罪人逋逃藪。招亡納叛。其罪九。次山金波有恆。義父也。而背叛之。閣忱曙村香岩蘭友也。

而驅逐之。孫烈臣、湯玉麟、貧賤交也。而猜疑之。秘使耿玉田誘致蒙匪。乃斃之於獄。以滅口。狠若呂布、凶逾朱溫。殘殺同類。其罪十綜。其罪孽擢髮難數。窮凶極惡。豺虎不食。作霖不死。大盜不止。盜閥不去。統一難期。若其常此肆虐。永爲民害。則人道可以不存。國法可以不立。白山黑水之馬賊。得以縱橫。一世馳騁。中原國家之體面。何在。國民之人格。何存。佩孚等既負治盜剿匪之責。應盡鋤奸除惡之義。爰整義師。殲厥渠魁。以洩公忿。以快人心。罪止一人。脅從罔治。凡屬前途倒戈。厥爲明哲之士。若其徘徊歧路。必貽附逆之羞。敵愾同仇。獨夫氣餒。人心厭亂。天意亡胡。從此殘暴既除。和平可覩。障礙既去。民國以安。謹此露布中外。共鑒。吳佩孚、齊燮元、陳光遠、蕭耀南、田中玉、趙倜、馮玉祥、劉鎮華同叩。

●吳佩孚齊燮元等致外交團之聲明電

張作霖身爲民國官吏。亂國毀法。盜心未改。年來北京失政。內亂不息。實由其勾結私黨。把持政柄。剽劫國帑。種種行爲所致。帝制餘孽之梁士詒。復辟罪魁。

之張勳。彼皆引爲心腹。參與軍權。政權。張作霖不除。危害國體。荼毒民生。中國將無統一之望。張作霖招納匪軍。擾亂京畿治安。現又無故進兵天津。逼近保定。嘯聚土匪。劫掠青膠。沿海岸。顯背華會。各友邦勸告。裁汰冗兵之盛意。彼既甘心爲戎首。佩孚等爲正義人道計。不得不取正當之防衛。凡京津地方治安。及外。人。生。命。財。產。均。負。保。護。責。任。戰。事。一。告。結。束。卽。行。恢。復。交。通。整。理。善。後。用。達。親。愛。諸。友。邦。希。望。中。國。和。平。統。一。之。誠。懇。亦。請。各。友。邦。於。驅。逐。匪。軍。期。內。根。據。條。約。按。照。公。法。毋。得。有。資。助。匪。軍。行。爲。其。有。外。人。在。東。三。省。軍。事。上。服。務。者。亦。希。先。期。聲。明。卽。行。退。出。不。得。參。與。戰。鬥。至。爲。感。荷。特。電。奉。聞。敬。請。察。照。吳。佩。孚。齊。燮。元。陳。光。遠。蕭。耀。南。田。中。玉。趙。倜。馬。玉。祥。劉。鎮。華。同。啓。

●張作霖皓日通電

(上略) 民國肇造。已逾十年。東北紛爭。西南倣擾。兵戈水火。民不聊生。大好河山。自爲分裂。黨爭藉口。以法律事實爲標題。軍閥弄權。據土地人民爲私有。

擾攘不已。安望治平。誰生厲階。至今爲梗。况自華府會議以後。已爲友邦視線所集。閱牆未息。外侮頻來。匹夫橫行。昔人所恥。作霖不敏。怒焉心擣。戎馬半生。飽經憂患。數平內亂。無絲毫權利之心。一秉至誠。惟國家人民是念。睹邪說暴行之日甚。覺榱崩棟折之堪虞。竊謂統一無期。則國家永無甯日。障礙不去。則統一終屬無期。是以簡率師徒。入關屯駐。期以武力爲統一之後盾。凡有害民病國。結黨營私。亂政干紀。剽劫國帑者。均視爲統一和平之障礙物。願卽執役先驅。與衆共棄。此心此志。海內賢達。諒必不乏同情。至於統一進行如何。公開會議。如何確定制度。當由全國之耆年碩德。政治名流。共同討論。非霖之愚。所能妄參末議。但以國利民福爲心。或有起靡振頹之望。作霖此舉。悉本於良心主宰。愛國熱誠。共謀統一者爲同志。破壞統一者爲仇讎。決不肯公義而庇護一人一黨。亦決不挾私忿而仇視一黨一人。耿耿此心。天日共鑒。儻使統一完成。國事甯息。甚願解甲歸田。享此共和幸福。惟國難未平。匹夫有責。披堅執銳。

所不敢辭。兵發在途，遠道傳聞，恐多誤會。用特披瀝奉告，敬希鑒察。是幸。張作霖叩皓印。

●張作電漾日通電

(上略)頃接曹使通電，諒已達覽。惟對於此次奉軍入關經過情形，確與事實不符。當再詳晰陳之。查從前奉軍原駐關內者，不過一師兩旅。直皖戰爭以後，因京畿地面空虛，酌增兩旅。並經曹使面告，以南方不靖，請以兩師兵力援助。年餘以來，奸人挑撥，猜疑疊起，作霖鑒於各方情勢，爲息事甯人計，卽於今年一月決計撤回。乃甫經動議，大總統飭派鮑總長曹使遣其令弟曹省長先後來。諄諄挽留。曹使來電，且有弟如決計撤兵，兄卽辭職之語。電牘具在，可復按也。作霖當時以大總統既再三傳諭，曹使又情意殷殷，公義私情，無可諉卸。當卽允遵留駐。惟各軍久駐關內，訓練檢閱，勞逸不均。當擬先行輸入一部分換防，並與曹省長商洽，酌添少數軍隊，以資聯防。曹省長並謂奉直兩軍駐

在一處。且看有無衝突之語。時有大總統所派之鮑總長在座。共見共聞。謂爲既無中央明令。又不知會地方長官。然則鮑總長非大總統特派之總長。曹省長非直隸之長官乎。且此次所稱奉軍所駐地點。從前皆奉軍原駐之地。並未擾及人民一草一木。乃前隊甫經過津。而曹省長卽棄津不顧。馬廠駐軍亦棄防退走。涿州琉璃河方面。則挖壕備戰。鄭州方面。則積極調兵。其對奉決戰之陰謀。乃完全披露。而吳佩孚平日所謂不掃滅奉軍不能橫行之聲言。與曹使從前之巧使吳佩孚詈罵合肥。而箇人則以並不知情四字爲隱身符。其策畫乃復施於作霖矣。此奉軍進兵之事實。與曹使所謂竭力容忍。多方避讓之經過情形也。至於統一問題。作霖通電措詞。係以武力爲統一之後盾。曹使顛倒其詞。竟稱爲武力統一。凡此電文具在。乃欲以一手掩盡天下耳目。耶。總之奉軍如無益於直。則撤退可也。留之何爲。留之而又誣其啓釁。誣其擾民。其心安在。種種事實。誰爲啓釁。誰爲擾民。是非功罪。自有公論。決非口舌筆墨所能強

辯霖與曹使亦決不作此無謂之爭。第恐真相不明。聽聞淆亂。用再通電陳明。敬希鑒察是幸。張作霖漢印。

●張作霖有日通電

(銜略)頃致曹帥省電。我哥通電均經奉復。惟對於奉軍入關一事。大意尚須奉質者。請再詳言。來電所稱不奉中央明令。不告本省長官兩語。已將奉軍經過事實。明白通電。其是否不奉中央明令。不告地方長官。明眼人皆能辨晰。弟姑援一成例言之。爲我兄弟相共研究之資料。前年直皖戰爭。我兄首統雄師。直趨畿輔。豈亦奉有中央明令耶。涿州良鄉琉璃河附近。皆京兆尹地面。非隸轄境。亦通知該管長官耶。至於武力爲統一之後盾。一語決非武力統一四字所能解釋。就使斷章取義。爲謀統一而興兵。較之爲地盤而興兵。爲公爲私。不可同日而語。試問上年湘鄂之戰。爲公乎。爲私乎。如其爲公。何以不予督軍。則稱菊人先生。頓兵衡陽。以爲要挾。任爲巡閱使。則稱我大總統。決水灌堤。

以禍人民也。昔賢云：我不欲人加諸我也。吾亦欲無加諸人。我哥不此之責，而乃強誣奉軍以不奉命令武力統一，何不稍加反省，乃竟衝口而出也。吳佩孚之罵段合肥也，吾哥曾嗾使之。此吾哥與弟親言，不敢相誣也。今則以施之合肥者，將施之於弟矣。猶對衆通電云：事事退讓也。祇許我負天下人，不許天下人負我。雖魏武一生得意之語，然後世卽以此爲奸雄二字之鐵證。在漢魏專制時代則可耳。若大同之世，天下爲公，一舉一動皆當適合人民公意。項城晚年一用手段，則羣起而指摘之。卒致敗死，近事可爲殷鑒。吾哥老矣，文字之間，或未暇詳究，一味以罪惡加人爲快，遂自忘其躬自蹈之也。與其使天下後世閱吾哥之通電，摘其陰私而詬誶之，不如俯採微言，自爲更正，猶不失爲改過不吝之英雄也。詩云：慎爾出言，願吾哥三循之。若聽市井無賴之狺狺狂吠，猶掀髯大笑以爲得計，則非弟所敢知矣。特以奉聞。張作霖有印。

●張作霖沁日通電

(上略)竊以國事糾紛數年不解。作霖僻處關外。一切均聽北洋團體中諸領袖之主張。向使同心合力。無論前年衡陽一役。可以乘勝促統一之速成。卽不然而團體固結。不自摧殘。亦可成美洲十三州之局。乃一人爲梗。大局益勞。至今日而愈烈。長此相持。不特全國商民受其痛苦。卽外人商業停頓。亦復虧損甚鉅。噴有煩言。作霖所以隱忍不言者。誠不欲使一般自私自利之徒。借口污蠱也。不料因此竟無故招謗。遂擬將關內奉軍悉數調回。乃蒙大總統派鮑總長到奉挽留。曹省長親來。亦以保衛京津不可撤回爲請。而駐軍地點商會挽留之電相繼而至。萬不得已。始有入關換防酌增軍隊與曹使協謀統一之舉。又以華府會議適有中交兩行擠現之事。共管之聲浪益高。國勢之顛危益甚。作霖又不惜以巨款救濟之。所以犧牲一切。以維持國家者。自問可告無罪。若再統一無期。則神州陸沉。可立而待。因一面爲京畿之保障。一面促統一之進行。所有進兵宗旨暨詳情業於皓日漾日通告海內。凡有血氣者。睹情形之

危迫痛喪亂之類仍應如何破除私見共圖挽救乃吳佩孚者狡黠性成殃民禍國醉心利祿反覆無常頓衡陽之兵干法亂紀致成愼於死賣友欺心決金口之堤直以民命爲草芥截鐵路之款儼同強盜之橫行蔑視外交則劫奪鹽款不顧國土則賄賣銅山逐王使於荆襄首破壞北洋團體驅各方之款項顛鼓動大局風潮盤踞洛陽甘作中原之梗弄兵湘鄂顯爲蠶食之謀迫脅中交兩行掠人民之血本勒捐武漢商會竭闔閩之脂膏塗炭生靈較闖獻爲更甚強梁罪狀比安史而尤浮惟利是圖無惡不作實破壞和平之妖孽障礙統一之神奸天地之所不容神人之所共怒作霖當仁不讓嫉惡如仇猶復忍耐含容但得和平統一不願以干戈相見不意曹使養電吳氏馬電相繼逼迫甘爲戎首宣戰前來自不能不簡率師徒相與周旋以勸相我國家事定之後所有統一辦法謹當隨同大總統及各省軍民長官之後與海內耆年碩德政治名流開會討論公決作霖本天良之主宰掬誠惻以宣言既不敢存爭權爭利之

野心亦絕無爲一二黨人之成見。皇天后土共鑒血忱。作霖不敢以一人欺天下。披瀝以聞。伏維公鑒。張作霖沁印。

◎浙盧贊成奉張之箇電

(上略) 政綱日紊。國與俱危。含識之倫。所同焦憤。揆厥本原。外飾政治之美名。內爭權利之私計。貧而縱欲。共趨於貪。愚而好事。自肆其詐。不僅一時之利害。而國家與人民實將永受其禍。是以內爭無時可息。外侮因以交乘。事變所至。有不忍言。永祥之愚。但知以愛國爲心。向不徇因人之論。竊維鞏固國家。當從求統一。解紛爭爲第一辦法。統一之計。必先犧牲私見。而後可得公道。必先各息紛爭。而後能歸一致。其尤要者。不可憑權藉勢。強不知以爲知。因利乘便。蔑公義以爲義。昨讀張巡閱使皓電。剴切陳詞。其所謂統一進行如何。公開會議如何。確定制度。當由全國之耆年碩德。政治名流。共同討論。數語尤爲至公至平之論。永祥前曾迭次通電。固已列舉此義。雖荷同心贊成。仍愧空言無補。

茲者國事已亟。所望羣策羣力。宏濟艱難。本共同之覺悟。謀正當之解決。庶人民可免於痛苦。國家可期於治安。永祥不敏。自當竭智效愚。以求萬一之效。電布悃忱。諸希鑒教。盧永祥個。

●滬何贊成浙盧之養電

(上略)頃讀浙江盧督軍箇日通電。以鞏固國家。當從求統一。解紛爭爲第一辦法。並望羣策羣力。宏濟艱難。本共同之覺悟。謀正當之解決。至理名言。洵爲救時良藥。慨自政綱解紐。海宇分崩。擾攘頻年。迄無甯日。長此以往。國將不國。比者華會告終。列強注視。正宜力謀補救。以維持我國國際之地位。而免神州之陸沉。不料治絲愈棼。險象益著。風雲緊迫。謠詠繁興。大局岌岌。不可終日。痛外侮之紛乘。嗟閱牆之未已。苟不速籌解決之策。必有噬臍無及之憂。盧督軍老成謀國。盡慮周詳。仁言利溥。袍澤同欽。尙乞一致贊成。共謀大計。倘能籌有具體辦法。見諸施行。則國家轉危爲安。在此一舉。豐林不敏。敢忘匹夫有責。

印。之義。謹當竭盡愚忱。藉資揚榘。伏乞垂察。臨電不勝屏營待命之至。何豐林養

●海軍總司令反對奉張之有電

(銜略) 奉軍入關。號曰以武力爲統一後盾。效果如何。姑且勿論。惟太會力爭而得之。撤兵條約。因之中止。爲可憾。况轉輸軍隊。既礙商務。且亂人心。國計民生。實受影響。現蒙古且未收回。應由張使先籌統一滿蒙。然後由國中碩德名流。公同討論。全國統一。悉泯糾紛。同歸於好。否則非拯之愚所能解也。謹布區區。伏唯垂察。蔣拯有印。

●六調人致曹張之箇電

萬急保定曹巡閱使盛京張巡閱使均鑒。比年國家多故。政潮迭起。其間主持國是。共維大局。實兩公之力爲多。近以閣題發生。悠悠之口。遂多揣測。又值雙方軍隊。有換防調防之舉。杯蛇市虎。益啓驚疑。道路洶洶。幾謂戰禍卽在眉睫。

其實奉軍入關。據聞仲帥原經同意。雨帥復有奉直一家當與曹使商定最後安全辦法之諫電。兩公和平之主旨。已見一斑。况就大局言之。膠澳接收伊始。正吾國積極整理內政之時。兩公任重兼圻。躬負時望。固不肯作內爭之導綫。重殘國脈。貽笑外人。卽以私交言之。兩公昔同患難。誼屬至親。亦不忍爲一人一系之犧牲。自殘手足。事理至顯。無待煩言。現在京津人情震動。已極糧食金融。均呈險象。斷非空言所能喻解。非得兩公大有力者躬親晤商。不足杜意外之風謠。定將來之國是。弟等息影林泉。驚心世變。思維匹夫有責之義。重抱棟榱崩折之憂。竊欲於排難解紛之餘。更進爲長治久安之計。擬請兩公約日同蒞天津。一堂敍晤。消除隔閡。披剖公誠。一面聯電各省。進行統一。弟等雖衰朽殘年。亦當不憚馳驅。赴津相候。本其一得之見。藉爲貢獻之資。愛國愛友。人同此心。迫切陳詞。敬祈明教。兩公如以弟等謬論爲然。並請雙方將前綫軍隊。先行約退。其後方續進之兵。務祈中止前進。以安人心。而維市面。至於電傳報論。

暫請一概不問不聞專務遠大是所切禱並盼裁覆張錫鑾趙爾巽王士珍王占元孟恩遠張紹曾箇印

◎六調人致吳佩孚之養電

洛陽吳巡閱使鑒時局風雲日趨險惡弟等上感元首敦迫之誼下念國民呼籲之殷業於箇日聯電仲雨兩帥請其約日蒞津晤商以資解決並請雙方先將前線軍隊約退藉安人心當時本擬同電奉邀因恐洛陽地方重要台旆未便遽離故擬俟仲雨兩帥晤商後再由仲帥電約台端熱誠謀國統一南北之舉研究經年現兩帥皓電既以促成統一爲言是與執事所抱政見已相符合將來會議以後公開討論必能持平解決以民意爲從違萬懇台端於此最近期間力持堅忍態度以待調人之進行是所切禱張錫鑾趙爾巽王士珍王占元孟恩遠張紹曾養印

上列各電係直奉戰史之張本若據真民意而判真是非直方當然勝訴也

※直奉戰事僉載

●直奉軍電報戰爭與軍官會議

直奉兩軍之大戰籌備復籌備遷延復遷延論其程度可謂已達九分九的時
候矣。砲火相接觸雖尙未實現而彼此打筆墨官司轟轟烈烈却已開動一時
日來唇槍舌劍連罵帶笑大足爲棄毛錐而從事鐵血之徵兆吾國歷次內亂
政爭皆以文字爲戰爭之母其例固不自今日始特此尤較爲激烈耳。

有張作霖調兵入關亟謀統一之皓電而後有吳佩孚覆直隸省議會之效電
有曹錕致張作霖之養電而後有張作霖覆曹錕之漾電有直系各督軍省長
七人之馬電而後有曹錕宣言之禡電隨卽引出吳佩孚攻張弧之養電此皆
正面之戰電也有六調人致曹張並續補吳之箇電而後有張作霖覆張今頗
吳佩孚覆張敬輿之箇號兩電同時盧永祥何豐林亦各發一電以響應張作
霖之皓電此側面之戰電也其餘如元首告哀市民訴苦調人請息爭忙煞電

報。生。幾。幾。成。一。電。報。世。界。種。類。雖。多。無。出。於。攻。擊。辯。解。調。停。贊。成。駁。斥。及。單。純。表。示。意。思。之。範。圍。其。間。有。可。注。意。者。則。奉。直。戰。事。以。藩。洛。爲。中。堅。而。張。作。霖。吳。佩。孚。無。一。電。之。往。還。東。海。向。曹。張。吳。哀。懇。罷。兵。吳。佩。孚。則。高。閣。置。之。不。覆。吳。佩。孚。等。之。通。電。對。奉。天。破。口。大。罵。且。加。以。特。別。稱。謂。宜。乎。張。之。按。劍。而。起。反。唇。以。譏。電。戰。中。各。電。三。使。之。態。度。語。氣。微。覺。各。各。不。同。張。電。強。詞。奪。理。婉。而。多。諷。曹。電。質。實。說。理。語。氣。和。平。吳。電。激。烈。憤。厲。不。可。遏。抑。夫。奉。直。戰。爭。本。非。全。靠。電。桿。電。線。上。所。能。解。決。然。而。聽。言。觀。行。真。相。難。掩。正。可。於。此。等。處。見。各。方。之。態。度。也。近。日。由。電。報。戰。爭。之。時。期。已。漸。次。轉。入。實。力。戰。爭。之。時。期。津。浦。京。漢。兩。路。普。通。客。車。不。能。通。行。者。蓋。已。數。日。於。茲。矣。據。交。通。界。消。息。津。浦。線。之。挖。毀。者。爲。唐。官。屯。青。縣。馬。廠。各。地。方。係。由。直。軍。拆。卸。路。軌。以。阻。奉。軍。之。南。下。京。漢。線。之。挖。毀。者。爲。長。辛。店。良。鄉。縣。之。兩。段。係。由。奉。軍。拆。毀。軌。道。以。防。直。軍。之。北。上。雙。方。漸。漸。在。實。際。上。用。功。夫。已。不。專。門。在。文。字。函。電。上。討。生。活。於。是。奉。直。兩。方。彼。此。各。開。一。

秘密會議爲電報戰爭後實地發展之初步。二十三日晚間奉軍軍官在落垓鎮開軍事會議。此次奉軍總指揮張作相入關卽駐紮落垓。當日總司令孫烈臣由天津趕往察區都統張景惠由北京趕往其餘張學良鮑德山等均列席。議決內容不得其詳。惟戰事應速準備。如果有和平解決方法亦不極端主戰。此奉方會議之情形也。二十三日吳佩孚由洛陽到鄭州因爲避去目標卽宿列車上召集軍官會議。吳與會議之軍官均一律脫去帽金卸去肩章與兵士同一服式。惟各人臂上纏一紅布。上書旅長團長營長等字樣。據聞會議結果一律主戰。惟不欲居釁自我開之咎。此直方會議之情形也。奉直首領正在電戰熱鬧之際彼此部下則磨拳擦掌躍躍欲試。是奉直大戰燃料上又加上一種導火線矣。

◎直奉「人」與「十」之軍勢推測

世界無不破之軍。有不破之勢。孫子所謂先爲不可勝者卽指不破之勢而

言。今日兩軍之勢。若「十」與「人」。蓋直軍據京漢隴海二路。以鄭州爲中心。形如「十」字。奉軍據京奉全線。其先頭沿津浦而下。合京奉津浦觀之。其形若「人」。「人」字之中堅。在其首部。以其爲兩撇之交點也。其用在兩撇之間。以其易得兩撇之呼應也。甲午之戰。我國海軍處日軍「人」字陣形之間。遂爲日敗。此其明證。數日前。奉軍但有京奉則「人」字之形不完。近則其軍隊已達津浦。「人」字之形已具。不可謂奉軍無人。但京奉津浦雖作人形。其對於京漢隴海爲反「人」而非正「人」。反「人」之爲形。但有交點之堅。而無兩撇中間之用。此奉軍之所短。直軍之形。既爲「十」字。其應付實便於奉軍。而「十」字之爲形。自其中心分之恰爲四。「人」所成。由鄭州自北京與鄭州至徐州。恰當「十」形中上右方。「人」字之兩撇。其中間迢迢千里。實今日直奉之所爭。頗聞直軍設防。不必沿鐵道爲營。王承斌之一師。已至河間。此真善用「人」字形之中間者也。吳子玉之計劃。擬調馮玉祥閻治

堂東反。而以馮駐鄭州。是又能利用『十』字形者。吳子玉近日之佈置。大約力懷備多。力分之戒。其軍事行動。常取外縮內進之勢。馬廠之讓。陝西之棄。陝省擬託胡景伊。岳州之退兵。是曰外縮。南軍北移。西軍東移。而不越東北之前線。是曰內進。有此二法。故其兵力易集中。奉天之張已了然於吳氏之意。與否不可知。惟聞其南下津浦之軍。列車甚短。車中載兵亦稀。而列車開行之次數則不少。以一次可運畢之兵。必欲二次運。此其意殆欲張其勢。以疑吳氏。不必欲於津浦作戰也。但津浦無奉軍。則『人』字之首不堅。奉軍南下。亦不得謂其虛耗兵力。近日北京各報。謂山東安徽之軍。必將響應奉軍者。居多數。顧馬聯甲與張文生相水火。此二人不能同應奉軍。山東之軍隊。亦甚複雜。日來魯軍第一旅。次平原德州之間。戒備甚嚴。可想見其消息也。魯皖之軍。若不一致。應奉則直系上。右方『人』字之用不顯。但無論如何。兩軍決勝之點。終在馬廠軍糧城琉璃河一帶。此按之近日之佈置。而可知者也。

●某署長對於直奉軍之預判

有以直奉戰事往叩前某署長意見者。特記載其說如下。問直奉戰事能免乎。答必戰。兩方壤地相接。權勢相當。利害又相抵。不戰何待。問戰事孰勝。答絕對之勝。兩方皆有所不能比較的。勝必歸直。方問理由。可略聞乎。答奉方兵散。戰線深入敵境。忌一。缺統帥才。忌二。有復辟及親日派。色采不爲輿論所助。忌三。官與兵之素養皆不足。亦無大戰經驗。忌四。問直方軍火糧餉。均不敵奉。奈何。答兩方能久戰。軍火糧餉皆成問題。此次之戰。至多不過二十日。勝負已分。不觀庚申之安福乎。兵力軍火糧餉。何一不在直軍上。然余固再三言其必敗也。問亦有他點奉優於直者否。答有之。直方除吳使外。皆省界極嚴。不能容物。奉則西南也。交通也。辯帥也。皆能接納。多助勝少助。此其一長。問奉方邇來市德安福擁護合肥。亦非一助乎。何以吾子歷數其他而不及此。答以合肥平素論必不肯受一部分軍人無謂之擁護。安福之願否相助。尙是一問題。問直果戰

勝中國其統一乎。答統一之局視乎南北之能否相容。不係乎直奉一方之勝。敗西南者北洋派之反動。一國之事以一國之才治之。乃能統一。然而害馬不除。良驥莫保。才與事相需。雖殷而仍無由相得也。

◎某要人直奉形勢一席談

有走訪新自歐洲回國之某要人。詢其對於時局有若何觀察。將下以何種評判。乃據某要人曰。今日之時局。尙可以常理論乎。說句天良話。今日奉直雙方之所爲。吾人皆不敢恭維。因其胥有害於政治之進步。與國家之生存。特是吾人之論列一事。雖不必過事誅求。然亦不可持籠統主義。譬如同一殺人放火。當審其爲強盜性質。或竊賊行爲。又如司法官持律定讞。何者當論首要。何者可從末減。吾人對於罪惡較輕者。雖不必存原諒寬恕之思想。與言論而是非。不能不表而出之。準此以觀。奉與直猶有間也。何也。吳佩孚聲譽盛於直皖之役。而墮於川湘一戰。此次首先反對梁士詒。雖其骨子裏爲保全直系之地盤。

其而所標目的。吾人不能不表一部分之同情。現在兩軍盤馬彎弓。涿州琉璃河一帶接觸。當不在遠。然雙方均未尋出絕好正當之題目。奉軍入關者。均臂纏白布一方大書而特書曰。爲國爲民四字。雖然此等無意識之戰爭。果爲國乎。果爲民乎。質言之。實爲一梁士詒耳。張作霖以破壞統一之罪名。加諸直系。藉爲大舉入關之理由。國人仍不免多數懷疑直系。是否有破壞統一之罪。破壞統一。除直系外。是否尙別有其人。攻擊梁士詒。是否即破壞統一。試請張自家爲詳。盡真確之解釋。恐亦不能自圓其說。其背影所恃以爲奧援者。特聯粵之成功耳。孫中山聯奉有識者。謂爲一大錯誤。假借不正當勢力。以冀達南北統一之目的。蹈民初聯袁倒清之窠臼。將來利盡交疏。仍不免出於一爭。張作霖之總統孫中山贊成聯省自治。夫豈其本心。倒吳而後睥睨中央。若無物南北之分立。依然陳炯明之反對。殆亦有見乎此。須知民國十年以來。所受之教訓。已屬不少。惟有確定一種主義爲立國方針。或再由數省協定互助。做出一

個模範。孟圓必不至於水。方已無瑕而後。可以律人。然後分別各省區。合此主義者。認爲良友。逆此潮流者。則引作公敵。不問其爲奉爲直。先觀其能否贊助。聯省自治。民治主義。爲取舍標準。夫如是而後。有真正統一之可言。否則聯甲倒乙。排丁助丙。不但無救於時局。而反增其糾紛之程度。爲禍將愈烈。今日北方奉直之戰爭。卽南北聯孫聯陳之結果。此次戰局。將來之變化與終結。因軍閥政黨及人民。皆由常識貧乏。推測苦無標準。吾人目前尙難遽下確切之斷定。現局旣已醞釀至斯。吾人亦祇好就事論事。曹銀近已與吳佩孚一致態度。保定緩衝之說。殆已不成問題。大可注意者。惟張作霖吳佩孚兩人之本領。如果張敗而吳勝。北方或尙有安靜之一日。吳雖同爲爭權奪利一分子。平心而論。彼素常尙未至喜用人民極端反對之人物。如果張勝而吳敗。直系坍塌。固咎由自取。而中國十年內。尙不得安甯。此機萌動。行見鬪匪復辟。帝制親日各黨派。彈冠相慶。牛溲馬勃。一律充塞。要津謂此際國家不大亂。特亂其誰信之。

然此乃進一步推定將來之情勢。至現在之局面，亦有可得而言者。以兵力論之，奉直兩系軍隊，實數均在三十萬以上。可靠者，各各不過三五師。奉系得力軍隊，爲張作相第二十七師、汲金純第二十八師、吳俊陞第二十九師、張景惠暫編第二師、張學良衛隊混成旅。此外鮑德山、宋子揚、牛永福、齊占九、趙恩臻諸人所統率，均非能戰之兵。張宗昌新招敢死隊，直烏合之衆耳。直系得力軍隊，首推吳佩孚第三師、王承斌第二十三師、張福來第二十四師、馮玉祥第十師、閻治堂第二十師、蕭耀南第二十五師、靳雲鶚第八混成旅、張克瑤魯軍第一旅。以上皆曾轉戰川湘陝暨直皖一役者。此外如曹錕一師及新招各混成旅，均不甚得力。大約奉軍零碎的，尚不乏勇敢之士。若能指揮大多數軍隊之將佐人才，可謂絕無其人。直軍中上級軍官，比較上戰術之精熟，與軍略之敏活，遠出奉軍上。勝負樞紐，雖不盡關乎此。然亦不能不於此覘之也。以軍實言之，奉軍奉吉黑三省，源源接濟，餉糈已不虞缺乏。更益以熱綏察之三特別

區亦可爲將伯之助。交通系自必竭力幫忙。奉軍之軍餉可謂充實。至若軍火。前次截留日本運華軍械。爲數已不少。直軍取餉地方。僅僅直隸湖北兩省。直因養兵過鉅。鄂又戰事頻經。均不免筋疲力竭。陝西固異常瘠苦。河南山東亦呼應不靈。此張作霖之所以利在緩攻。而吳佩孚利在速戰也。至直軍軍火。以漢陽鞏縣所製造。及購自義國俄黨者。尙可支撐數月之久。惟軍餉缺乏。未免相形見絀耳。以地理言之。張作霖之奉吉黑熱。綏察打成一片。地方又屬偏遠。他人不便於競爭。即使奉軍大敗。內部孫贊堯吳興權不乘其危。吳佩孚亦不過將張作霖逐出關外而止。決不易越出山海關一步。直軍勢力中堅省分。爲直隸陝西湖北。如其不幸。被田中玉趙倜等介隔之。而爲三。或其內部如吳新田胡景翼劉鎮華張錫元孫傳芳盧金山趙榮華諸人。意見之不一致。則甚爲可危。以與黨言之。張作霖此次拚命捧梁士詒登台。已爲莫大之失策。不第此也。張更援引復辟之張勳與安福之張宗昌吳光新等。何一非國內痛心疾首。

之。人。物。吳。佩。孚。反。對。聯。省。自。治。迷。信。中。央。集。權。及。武。力。萬。能。爲。直。系。最。大。之。弱。點。惟。其。聯。絡。陳。炯。明。結。權。齊。燮。元。約。川。湘。兩。不。侵。犯。尙。不。爲。人。所。訾。議。以。風。紀。言。之。奉。軍。之。軍。紀。可。謂。壞。到。極。點。兩。年。以。來。北。京。一。般。無。業。游。民。豔。奉。軍。之。勢。力。胥。學。操。奉。天。語。以。欺。壓。平。民。住。房。吃。飯。坐。車。看。戲。均。不。照。例。給。錢。動。輒。拳。足。交。下。所。以。北。京。商。民。一。聞。奉。直。將。戰。咸。以。市。面。遭。搶。劫。爲。慮。聞。張。作。霖。致。王。懷。慶。一。電。云。奉。軍。將。入。衛。京。師。不。得。無。故。干。涉。王。覆。以。職。部。在。保。衛。京。師。治。安。不。願。見。有。搶。劫。商。民。之。事。不。抗。不。卑。可。謂。得。體。本。年。英。公。使。與。張。作。霖。衝。突。卽。爲。英。公。使。以。私。人。資。格。勸。張。約。束。部。下。之。故。直。軍。軍。紀。吾。儕。亦。不。敢。保。證。其。絕。對。的。紀。律。嚴。明。然。據。外。人。赴。洛。陽。視。察。回。京。報。告。及。證。以。直。軍。平。日。在。京。之。行。爲。尙。不。至。如。奉。軍。之。糟。凡。上。所。述。均。不。過。奉。直。兩。軍。之。形。勢。固。不。能。卽。定。爲。可。操。奉。直。勝。負。之。權。輿。然。要。不。能。不。謂。爲。與。奉。直。勝。負。有。莫。大。之。關。係。昔。曾。湘。鄉。之。論。兵。事。有。曰。用。兵。如。作。文。然。全。恃。氣。勢。此。言。煞。有。至。理。奉。軍。入。關。卽。續。續。南。下。

擬佔據津浦路。德州兵工廠。南可直達長江。西可進窺汴洛。蓄謀未嘗不大。特氣勢稍渙散耳。吳佩孚調精銳護保定。鄭州而以全力注視天津。以東方面再設防禦工程於長辛店琉璃河一帶。氣勢較爲團結。張作霖取攻勢。吳佩孚取守勢。奉軍是浮動的。直軍是冷靜的。古人云。驕則必敗。又曰。兩軍相對。哀者勝矣。將來奉直兩軍之勝負。其或在斯乎。

●直奉軍接戰前之佈置

直奉兩軍調兵遣將。瞬閱兩星期。茲已大致布置妥帖。預備正式開戰矣。爰特詳敘兩方形勢。爲有統系之紀載。如次。

(一) 直軍方面。直軍最初以奉軍有沿津浦路長驅南下之勢。故亟亟派兵至隴海路。以防奉軍聯絡張文生侵入河南。及後奉軍改變方針。乃以全力注意於保定以北之京漢路方面。卽所謂西路是也。一方以奉軍進據馬廠。乃亦派兵東下。現已抵馬廠。連河西岸。此卽所謂東路是也。西路方面以涿州爲根。

據地。其前鋒直達琉璃河高碑店。共配置軍隊二師四旅一團。計第三師第二十三師第二十四師之四十八旅第十四混成旅。山東第一混成旅。第四混成旅。此外尙有一混成團。司令一職。以王承斌充任。直軍精銳已大部在是。故其勢力非常雄厚。東路司令爲新任二十六師師長張國溶。配置軍隊有第二十六師第十二混成旅第十四混成旅及第二十四師之四十七旅。此路較爲薄弱。將來當取守勢。兩路以保定爲中心。由吳佩孚親任總司令。以爲策應。現吳雖尙在洛陽。但局面一有發展。自必趕至保定指揮一切。

(二) 奉軍方面。奉軍最初沿京奉津浦兩路駐兵。南北延長一千餘里。在軍略上最爲不利。乃縮短防綫。以大軍駐於馬廠靜海青鎮等地。以張作相所部之第二十七師爲主力軍。另有第三四七八混成旅爲助。總司令卽爲張作相。張固奉軍中之第一流人物也。西路方面。現已有奉軍暫編第一師十六師之一部。第六混成旅及第三混成旅之一小部。其防地以長辛店爲第一綫。最初

奉軍對此方面似未十分注意。近鑒於直軍之厚集兵力，已調汲金純所部之第二十八師南下，司令一職，將來當屬之張景惠，而以孫烈臣爲總司令，駐軍糧城，以爲兩路之策應。兩方駐防之現勢，大要已如上述。惟軍情萬變，將來以地利上之關係，或至偏重於西路，亦未可知也。

●張作霖態度轉變之原因

奉軍入關，威風叱咤，而張作霖態度忽於此時漸趨於和緩者，因四周空氣不佳，直系諸要人日來頗形團結，吳佩孚態度益倔強，直軍布防均取守勢，而其主要原因則尤在交葉所獻各策着着失敗，自吳佩孚驅走梁士詒之後，葉恭綽屢至奉天，爲張運籌帷幄，其第一策，卽所謂『聯粵倒吳』，蓋欲暗助粵軍北伐，使吳佩孚注其全力對付南方，此時北防空虛，則對吳無論提出何種條件，皆有不能不服從之勢。惜滇黔變起，北伐軍減一其威，然卽西南無事，而粵軍困於餉糈，亦不能北窺，此層早爲吳佩孚所見及，故未嘗措意於南防，且吳氏

一面聯絡趙恆惕。一面交歡李烈鈞。並決定不得已時犧牲江西。吳既不注意於南粵軍。又無實力葉之第一策。遂失敗矣。然葉仍不罷手。力勸張調兵入關。並獻第二策。卽勾結安福黨徒。肆擾山東。卒以魯省軍界派別過雜。計又不售。張宗昌失敗於龍口。直曹又結好鄭士琦。薦之爲軍務幫辦。魯又不爲直患矣。同時又有一策。卽以三十萬接濟豫趙。使爲吳佩孚肘腋之患。然中牟一役。趙又不得逞。並經某鉅公派人疏解之後。吳趙又已妥協矣。葉氏之計。着着不利。而奉軍此次布置防綫過長。又不宜於戰。張在此時不能不自出主意。變換方針。此所以有效。日之三電也。茲有某外國軍事家評論奉直兩軍填防。言簡而有味。據云：『直奉兩方軍械相等。奉方多財。直軍善戰。奉方長陣。大非所宜。若再引伸。更爲危險。幸張使已軟化矣。吾可不斷其成敗也。』惟日來吳佩孚態度確已反趨強硬。且直軍中西南三路均取攻勢。可免衝突與否。尙未可知也。

●曹錕變更態度之關鍵

此次曹錕態度之轉變。實決定於十一日之保定軍官會議。先是曹錕挾疎解之目的。遠赴關外。張作霖待之優禮有加。曹錕既一意和平。於硬派意見。實未暇顧及。對於作霖所提之解決時局條件。遂一一與以承諾。並曾經簽字之手。續蓋所謂解決時局條件者。卽南北統一問題。吳佩孚離洛回鄂問題。內閣自由去留問題三項是也。及曹錕回保。報告接洽情形。曹錕對之固無所可否。然以此等條件。又安能通過洛陽一關乎。曹錕雖欲不負奉張之託。有所不能矣。近自奉軍入關。佈置漸妥。張作霖乃憑藉浩大之聲勢。遂於十日致電曹錕。大略謂「前此叔親家到奉。議定南北和平統一前提。及整飭綱紀。軍人不得干政。劃分區域。各回防地。內閣銷假與辭職。任其自由各項。應請尊處主稿。以便會銜電陳總統。」曹錕接到此電。方在與秘書參謀等籌商應付之法。事爲各軍官所聞。大爲憤慨。適張福來方自洛至保。各軍官遂立開會議。要求曹錕出席質問。曹錕以衆怒難犯。不便出面。遂由曹錕出來安慰。王承斌乃首先發言。

云我直派軍人之得有今日局面皆我巡閱使及吳副使艱難締造之所致也。吾儕部下以尊敬巡閱使之故因之對於四先生（曹銳）亦莫不致其尊崇之意。乃不謂四先生前此赴奉擅訂條件將我直派全體軍人之名譽勢力甘心斷送實不知何所用意此部下同人所難安緘默者也。王氏言畢各軍官中並有聲言請巡閱使大義滅親者。於是曹銳乃對於各軍官極力安慰並云余初不料奉天方面得步進步逼人太甚一至於此。今事已至此我兄弟們惟有一德一心共同防衛以期不失我直軍全體之名譽以後直隸所有軍隊均交吳副使指揮調遣余亦退而充任直軍之賬房擔任籌款並與兄弟們一同服從吳副使之命令也。各軍官聞曹銳一番安慰之語再無異詞而曹銳之重圍乃解直軍全體之態度亦因之以決矣。

●例行的片面的之調停一幕

自直隸方面之態度一變爲強硬吳佩孚之效電不啻一篇哀的美敦且馬廠

琉璃河兩路嚴密設防。而馬廠附近鐵道實以十九日誤傳有兵車開到。直軍爲防禦計。立時拆斷者。戰氣之緊。殆以直方爲尤甚。奉方自豫魯兩省之聯絡。等諸空花。兵旣不能前進。地方之援應。又不可恃。而軍隊已大半入關。勢又不可中止。乃一變其計畫。對直爲老師之計。以爲直利速戰。且財政上之比較。奉較直爲充裕。認爲相持而不與開戰。但以和平聲浪。統一名詞。悅天下之人心。懈直方之士氣。延宕一月之久。直將不支。如直不能耐。而先行啓釁。則所謂「咎由自取。釁不我開」者。奉張已先言之。此最近數日之形勢。奉派人所自詡爲勝算者也。

以此之故。有奉張之皓效。各電而調人。卽乘時而起。其實開戰之先。必有此調停之一幕。必調停無效而終不免於戰。此爲刻板文章。然今之調停。則確有片面的意味。蓋和平之聲。天津會議之說。本奉張口中語。不待調人發表者。今觀張錫鑾等六人之調停電。竟舍此無他談。可爲明證也。夫調停之說。起於十四

五間邨人與鮑貴卿周自齊等商酌欲邀一班龍鍾老叟賣一老面子以調停兩方於是鮑貴卿十五日赴津訪張錫鑾並以吳氏關係而約張紹曾二張允諾乃有巧日之電各致張吳勸以待王士珍至共商善後張紹曾並就統一之說仍申其廬山會議之論鮑亦不之善也王士珍方面則由邨人派劉恩源袁乃寬赴正定請其來京而王與曹吳早有接洽竟肯爲直派子弟一行於十九日起程而鮑亦同時返京候駕所謂調停辦法鮑與張錫鑾先行商定張紹曾則推王士珍代表已意皆未親來加以在京之趙爾巽奔走天津之王占元孟恩遠二人成此調人團體若爲之分析性質則趙爾巽張錫鑾孟恩遠王占元屬奉王士珍張紹曾屬直而調人以外之牽繩者爲鮑貴卿張景惠皆偏於奉天方面其最奇之事則張弧潘復亦居然與聞也

調人方面趙爾巽王士珍張錫鑾等因徐世昌邀請出而調停純由被動直軍方面之王承斌本亦熱心和議之一人一自吳到保定後態度爲之一變彼雖

係奉天人。因受吳氏拔擢。各爲其主。絕不肯持首鼠兩端之意志。曹錕吳佩孚及各軍官家眷。均遷往湖北。馮玉祥拋棄陝西。曹銳不回天津。皆直軍對奉系。決一雌雄之表示。猶憶去年春。有人晤吳佩孚。參謀某君慨然曰：「吾副使數年來所懸爲理想中之敵者。卽張作霖三字。不出明年六月。必以兵戎相見。」今將不幸而驗矣。奉軍方面之張景惠鮑貴卿。固亦熱烈奔走。願言謀和。惟直方似不甚信任。直系某要人言曰：「張景惠等勸和主張。非不媿媿動聽。彼輩胥奉系重要軍官。與其徒一味叫他犧牲。弗如阻奉軍之停止。進關長辛。苦馬廠諸處。本直軍防地。彼如決計避免衝突。正不妨將所部開駐軍糧城。不許雙方通過。以免接觸。今乃陽表善意。藉口侵防。人孰能信。譬如甲乙二人相爭。互毆。丙出而調解。陰實袒乙。舉甲手足而拘擊之。以便乙之所爲。而尙囂囂然揚言於衆曰：「吾爲息爭起見。而出此其將誰欺。」故以各方面情勢證之。和平決已絕望矣。

●直軍抱定戰奉爲戰日的之一種敵愾

據曹錕參謀長熊君宣稱奉軍之入關乃出於日人之運動日人蓋欲如在西比利亞之所爲於魯省引起事變藉口派大軍占據魯省於是通告華會簽約國謂日本本欲撤兵但因亂不能實行吳佩孚及曹錕部下之少年軍官借此激勵軍心謂今日之戰非爲地盤與劫掠計實欲保全失而復得之魯省以免張作霖爲虎作倀復將該省斷送於日人之手直軍士氣異常激昂人人誓欲將張軍逐回奉天苟非吳佩孚嚴諭禁阻則早與張軍開戰矣熊稱數日前日陸相在東京所發警告反對軍閥之言謂日本當準備於魯省外人生命財產受危害時出兵干涉云云此足爲張作霖派軍入關乃由日人計畫之鐵證曹吳方面之領袖視日陸相之宣言爲實行驚世舉動之先聲蓋日人之慣技輒於舉事之前覓一口實也直派領袖於是乃抱倒張之決心以爲一勞永逸之計彼輩之計畫不僅欲於目下之陣地決一死戰且欲施包圍運動斷張軍歸

路一網而盡之。此爲少年軍官密議所定之策。或已得主將之贊成。直軍之行。動似卽依此計畫進行。蓋京津間之陣綫。現漸成一弓形也。直軍諜報處得有消息。謂張軍刻正忙碌掘壕。希圖固守。目下之陣綫。張氏圖擾直軍後路之計畫。已歸失敗。利用張勳之謀。亦遭挫折。奉軍今已處進退維谷之地位。其掘壕也。乃欲暫時遏止直軍之進路。而冀天佑挽回戰爭。總之直軍之士氣。毫無可貶之處。其全軍上自主將。下至士卒。皆抱一種敵愾。謂今日名與張戰。實與日人戰。苟張軍敗。北卽足制日人占魯之謀云。

●吳孚威與西人之戰事談話

世界新聞社譯美國人曷泊登克露斯 Dpton Close 自保定吳佩孚大本營通信云。美英兩國（日本亦可算在內）在華會努力使中國恢復山東之利權。其直接之結果。似爲迫北方之兩大勢力爲此等利權而開戰。美國人目下當然有一種印象。以爲「中國人一經吾人助其收回若干事物。彼等立卽自

行刮削之。」此不獨山東爲然。卽如關稅一經決定增加。各武人領袖卽復注意於控制北京。以期得此利源。彼反對張作霖者。則答復此種印象曰。中國之友。雖在華會出力。然非打倒張作霖。則山東終非中國所有。彼等謂張作霖與日本間有一種陰謀。其目的在使華會中中日兩方代表所訂之約失效。彼等今日之以武力反抗張作霖。卽欲竟華會之功。打破此項陰謀。據吳佩孚與曹錕之參謀員言。此陰謀之作用。在使日本於華會以右手拋棄之物。仍以左手收回之。彼日代表加藤之所以慨然允以山東歸還者。蓋以此耳。夫日本此種事固優爲之。彼今在西比利亞卽行此政策。但吾人殊不願信其關於山東之諾言。乃毫無誠意者。吾人恆責日本行事心口不一。此次則欲一度信其爲光明之行爲。故有許多方面。謂此最近之中國內爭。仍有日本在背後操縱。記者竊以爲不然。雖聞保定洛陽兩方之陳說。記者仍以爲此番奉直交關。其主要原因。乃政治上個人權利不能調和而發生之衝突。但同時亦不能斷定此衝

突。之。中。確。無。較。深。較。惡。之。元。素。欲。利。用。此。機。會。以。貫。澈。其。作。用。者。曹。銀。參。謀。長。熊。氏。之。言。曰。『。此。次。之。事。其。根。在。圖。控。制。山。東。權。利。』。吳。佩。孚。之。言。曰。『。此。次。之。爭。因。張。作。霖。急。欲。佔。據。山。東。而。猝。發。否。則。一。時。尚。未。必。實。現。張。之。侵。入。直。隸。其。目。的。即。在。山。東。因。吾。人。迅。將。津。浦。路。拆。斷。加。以。魯。督。田。中。玉。及。魯。省。紳。士。之。態。度。致。張。之。計。畫。不。克。實。現。』。記。者。問。曰。『。苟。張。之。計。畫。不。受。阻。而。獲。成。功。者。彼。將。自。處。於。何。種。地。位。其。將。帝。制。自。爲。乎。而。於。山。東。之。影。響。又。將。若。何。乎。』。吳。佩。孚。大。笑。曰。『。帝。制。彼。殆。不。自。爲。彼。所。欲。者。爲。總。統。而。以。武。力。自。衛。其。目。下。之。野。心。不。過。如。此。耳。』。記。者。曰。『。彼。得。日。本。之。助。殆。將。以。許。日。人。居。留。青。島。及。山。東。全。省。爲。報。酬。乎。』。吳。曰。『。彼。將。任。日。人。退。出。青。島。但。仍。使。據。有。鐵。路。其。法。至。簡。便。即。三。年。之。後。不。依。約。贖。回。礦。產。鹽。田。均。與。日。人。合。辦。此。係。張。與。日。人。間。已。成。之。約。』。乃。張。之。代。表。尹。氏。〔。譯。音。〕。及。其。子。張。學。良。去。年。赴。日。觀。操。時。與。日。本。參。謀。部。所。訂。者。此。項。計。畫。原。擬。於。華。府。大。會。開。會。期。中。彼。到。北。京。擁。梁。士。詒。組。

閣而實行之故。梁既登臺，中國在華會之地位立受影響。不幸華代表受外界壓迫，不奉內閣訓令。張作霖乃不得不進而爲武力行動矣。吳氏極慮張作霖得外助，觀其致外交團之開戰宣言，顯然可見。東京讀賣新聞會紀所謂日本國防計畫之變更，將中國自漢口以至奉天包入其計畫之內，作爲一種供給品之來源，與第二防禦線以爲從前日本所恃有力外援之替代。果吳佩孚之言而確者，張作霖與日本參謀部之妥協，其卽在變更的國防計畫之背面。乎倫敦泰晤士報近來對於日本此種計畫甚爲注意，深恐華會制裁日本帝國主義之企圖將無效果。其主人北巖爵士於華會初開時，經遇奉天曾爲預言。該報社論乃時時引申其說，總之現有種種情形，似聯結日本與張作霖目下之行動。如親日之安福派與張作霖有連，如梁士詒組閣後在日本使館內之安福派武人立被釋放，以期在山東擾亂如此輩中之一人吳光新氏曾在大連方面派遣海盜至龍口登岸劫掠，皆爲彰著之事實。然則北巖爵士之預

言。或者不誤。誠未可知。唯彼之預言。是否出於彼個人之觀測。抑根據於若干具體的事物。如得諸東京英使館之軍事委員者。則爲一疑問耳。

●西報詆張翦此次弄兵適如囊中之鱉

大陸報京訊云。(上略)是間爲吳二年前用兵之地。地理形勢在所深識。不知張部何人能與吳軍交鋒於此。吳軍從長辛店可達豐台。遮斷京奉路線。但使吳軍力持此地。則抵敵奉軍南下。易易事耳。北京有步軍統領之兵。及公府衛兵。毅軍等防守。自必謹守中立。吳不必憂。任令奉軍大隊南下。至京漢線上。徐州鄭州交會點。一面有海阻之從而襲擊。則奉軍如處囊中之鱉耳。况張進兵去大本營五百英里。吳則有以逸待勞之勢。張不能督兵自戰。必託其事於部下將領。而此輩將領。一經敗績。是否可恃。正不可知。再者。奉軍未嘗經過戰事。吳部則有久歷戎行。每戰必勝之成績。訪員近嘗游關內。張兵駐營所。其兵皆言。吳部善戰。有名不願輕與交鋒。奉軍重視張大帥。不過重其善爲政客。不

致肇生事變耳。若論二軍力量，張財力較足，聞有二十五兆元可恃，兵無欠餉，多財而又地與日本西比利亞相接，故利器亦較多。有非吳佩孚所嘗夢見者。張固有美國陸軍專門學校畢業之留學生二人，又中國飛行家多人，但利器人才均付諸張勳輩一班人物，盡皆敗軍之將耳。張亦自知缺少軍識，故新舊人物無不延攬，惟用非其人，則利器雖多，奚用反爲行軍之礙而已。二軍地位大略如以上所述。張部語外國人，輒曰：大帥視汝很好，你去後勿說壞話。但訪員敢言曰：從軍事上觀察，張作霖毋甯弄政而不弄兵，吾人觀於昔日蔡鍔之倒袁，項城今日吳佩孚之敵張作霖，乃益信中國大人物無不自懸厓跌下云。

●此次戰禍乃九年鬚帥之一語造成

此次戰局之醞釀焦點在梁閣梁氏五次請假，每假二十日，共計一百日。此百○日○中○實○爲○雙○方○軍○事○預○備○之○時○代○。然○追○溯○禍○根○仍○在○九○年○直○皖○之○戰○。爾○時○大○功○

告成。張作霖乃坐享其利。伸其勢力。達於京師。有駐京司令部之建設。而彼親臨前敵之吳佩孚。在天津軍事會議席上。不特不能發言。且爲張氏所呵斥。其時吳爲師長。奉張語曹錕云。苟吳佩孚可發言。則我手下有十餘師長。亦言多意雜矣。吳乃一怒而去。此爲直奉戰爭之最先朕兆。而今日之砲火。連天糜爛。大局卽爲鬚帥之一語造成。由後果以溯前因。初不料鬚帥親身入關。自投死路。一嘗請君入甕之滋味也。

●戰聲中孚威勒令眷口回保之難能

吳使眷口。此次由返保豫。本卽欲返保。當時因駐鄭張旅長錫元再三相勸。以保定畫入戰線內。吾輩以身許國。固應如是。而眷口何必如是。硬將吳眷留洛。詎孚威到保以後。見全城秩序大亂。頗與曹使衝突。孚威之意。以此時人心之亂。全是曹眷南行之故。假使眷口至今未行。何致如是。兼以各家房屋全空。設敵人乘虛有奸細竄入。爲患尤大。曹使因事已如此。無可如何。乃孚威與

曹晤見以後立時派火車一輛到洛接其眷口限於十二小時內到保並派差弁二人一同赴洛迎迓及至到洛適其公子有恙未能起行當由馮督電洛請爲從緩旋由保定吳使來電勒令速去使署人員無可如何飭令洛站備花車一輛由汴洛轉車京漢北上孚威之意原欲藉接眷以堅軍心雖公子有恙亦不容緩可謂令人難能矣

●戰事中北京社會恐慌之狀況

此次奉直戰事突然發生京中一般資本家皆異常惶恐各銀行各大商行所有銀錢帳簿及闊人宅中之衣飾箱件皆紛紛運入交民巷各外國銀行寄存每箱一件不論內裝何物價值多寡寄存費每件爲二十五元保險三個月但寄存時間只限上午十點至十二點逾時不候故凡稍遲者卽不得存入箱件堆在路旁自行派人看守者甚多廊房頭條爲珠寶首飾店金店之聚處裝修陳設無不輝煌燦爛爲北京商業上首屈一指刻因戰事發生市面惶恐已將

陳設玻璃內之金銀器皿及玻璃櫥內之珠寶盡行撤去皆易以各種花草爲陳設品重要物件聞俱已寄存東交民巷保險店內皆已空空頓改舊觀東交民巷六國飯店在使館保護界內一般闊人皆視爲世外桃源一有驚訊多搬入該飯店居住前年皖直戰爭時該飯店爲一般闊人住滿至無隙地頃因奉直戰爭又起京中闊人仍想搬至該店居住詎該飯店此次對華人忽下逐客令所有華人往往者一個不收聲言只住西人故一般闊人搬箱攜眷至該飯店投住者俱被拒絕或折回本宅或另投北京飯店而去

●直奉正式交戰之開始

直奉戰雲布滿於北直津保之間前之前哨小衝突者現已變爲正式開火矣據吳佩孚於二十八日自保發來兩次急電其一謂儉（二十八日）曉四時二十分奉軍在琉璃河北直襲我軍防地經我軍奮力擊退進逐數十里我軍遂進至良鄉縣迤北其二謂我軍東路迭與奉軍小衝突我軍進至文安霸縣

交界之蘇家橋是二十八日之戰。直軍皆稍得利。據外人方面消息。吳已至琉璃河前敵指揮。東路直軍今晨（二十九）即下令開始總攻擊。是奉直兩方確已入於正式交戰之狀態中。而其最後勝負一時尙難預料也。

●京畿維持治安之辦法

長辛店距京四十里。京中恐慌不可言狀。各通衢及城門有武裝軍士加崗守護。東交民巷之外國兵衛市上亦多所發見。永定西直西便廣安平則各門皆半關閉。但啓半扇以容難民入城。王懷慶登西便門樓履行守門職務。街市上頓見恐慌現象。不過有識者信無論勝負如何。城中決無戰事耳。但城中奉軍尙有十六師二十八師。而此外則有第一師（蔡成勳所部）第九師（陸錦所部）十三師（王懷慶所部）毅軍及步軍統領所轄之軍隊。在二十八晚鮑貴卿邀一九三三師之高級官及軍警當局晚餐於私宅。與談保衛京城之法。而外交部亦商參陸步軍務必維持秩序。免爲外人藉口。遂決定上述各

師及地方軍警不加入戰團而保持中立態度。凡有敗兵不使入城外。傳有中。立保衛團之設。卽此事也。當夜參陸兩部要人會擬辦法。有人主張以中央政。府所在地而用中立二字似嫌不妥。已改臨時維持治安辦法。內容共十條。並。有令與戰事有關之軍隊退出五十里之擬議。此辦法決定後。並增加一兩條。如限制飛機入城之類。已呈請邨人頒布。乃於下滑稽的查辦令以外。又有維。持京師治安及保護外人的生命財產之兩令。一般人得此消息。以爲治安秩序。大略可保。稍有安枕之望。不過據某當局言。治安無問題。經費尙無着耳。

●直軍飛機所散之招降傳單

直奉開火後。直軍曾以飛機散放傳單。招降奉軍將士。茲將傳單原文錄下。奉。軍最親愛的弟兄們。均鑒。我們奉直本是一家。兩方的將帥士卒。親愛和睦。也。像同胞兄弟一樣。這次因爲張作霖一人。跋扈暴虐。搗亂橫行。把我們逼的。沒。有法子。不得不抵禦自衛。想兄弟們都狠明白。諒解。但這些罪惡。都在張作霖。

一。人。身。上。把。張。作。霖。除。了。我。們。奉。直。就。可。以。親。愛。到。底。永。遠。再。沒。有。衝。突。凡。我。兄。弟。們。要。能。馬。上。醒。悟。過。來。棄。暗。投。明。來。歸。直。軍。格。外。歡。迎。開。誠。優。待。照。舊。編。入。國。軍。一。視。同。仁。我。們。現。在。已。設。了。招。待。所。竭。誠。敬。候。謹。以。誠。心。忠。告。尙。希。明。察。直。軍。全。體。將。士。敬。啓。

●西報恭維直軍之戰局觀

星報觀戰記者四月二十八日自保定直軍總司令部所發通訊云。今晨直軍開始取大包抄之陣勢。昨夜吳將軍步入總司令部時。余及青年會葛拉克氏皆在座。吳對此計劃作三數言。後並以兩臂作包圍之勢。而吳氏總參謀長張方賢（譯音）旅長身村挺秀爲人儒雅而韜晦。雖掌理四萬大軍之機務。安閑鎮靜。猶若大學教師在其教室之時。某日承其見訪。軍隊情形直告不諱。幾已絕對不復憶及保守秘密之原則。直軍大砲不滿二十尊。已於兩日前運出。野戰砲則於昨夜運赴前綫。馬騾牲畜等曳往車站。而由火車運往良鄉等處。

其地距長辛店僅五哩。距北京十五哩。直軍前綫沿永定河南岸分布（全綫東北距京津鐵路約十哩左右）惟於天津之西四十哩處陣綫離河而東。復東南行於滄州北之青縣地方與津浦路相會。其地在天津南約四十五哩。陣綫雖長。若奉軍不改其近日所取之防禦態度。則此長一百二十哩之前綫中。僅兩處將有大戰。其餘不過取包圍之勢而已。大戰處一在北京之南。一在天津之西。而昨日兩處直軍小隊試圖進行之前。京南奉軍已退十哩。津西奉軍已退五哩。今日大戰開始。僅此兩處其餘但取守勢。天津方面由吳最信任之師長王承斌指揮。京南方面吳氏親自督戰。此方作戰兵士雖係曹錕部下之第十二混成旅。而將領多係第三師顧旅長部下之吳氏親信軍官。前綫軍隊由牛少校統率。昨日牛部進攻頗獲勝利。前綫已渡過琉璃河。直軍擬今日將敵人驅至永定河。然後轉西沿五英里之鐵道而取豐台。此舉若成。則直軍可以進據北京。截斷京內外南苑及京綏沿路奉軍。與其天津大本營之交通。同

時王氏則向天津進攻而於天津南方或南北兩方將奉軍截而爲今日兩卽開始此種灣弧式進行以圖圍攻「紅鬍子」此時則於天津以南之津浦路及北京以北之處先作小包圍目下並望海軍能於山海關葫蘆島間渤海沿岸上陸毀掘鐵路橫樑以擾奉軍後方張氏對於吳氏此種不可敗之戰略果用何術以抵禦誠余所深思不得者也因自永定河以至揚子江結有鞏固之軍事聯盟以抗奉張而奉張根本上之困難尤以張氏本身並無軍人資格而其部下亦無能得軍士完全信仰及服從之人物記者竊謂張氏不於第一次奉軍兩師進至天津之時遽行攻擊已失取勝之機會因當時既可獲豫趙之助而直軍中馮玉祥尙未離陝吳佩孚亦未統領保定之軍隊誠絕好機會也吳軍中將士記者與語者不下數百人無一不謂可以全獲勝利某軍校曾詢余「君料何時完全圍困奉軍乎」余曰「此不能預料君軍中不嘗闕缺餉械乎」答曰「一余輩豈以此爲憂耶余輩所有者決戰之心耳若區區餉械固

不難取資於敵也。一吳軍確皆具有決戰之心。夫以吳軍之常勝。又有新式軍械以供給之。即歐美軍隊當之。恐亦難於取勝焉。

●吳佩孚採用歐戰時大量的聯合戰術

直奉兩軍於二十八晚間開始戰鬪。業已證實。蓋今日戰術。凡取攻勢者。其進兵必在夜間。若值天雨黑暗之夜。尤爲便利。誠以進兵於槍砲之前。若在白晝。萬難前進。故非乘黑夜進攻。不可。至進攻之兵。已至火線以內。則便伏而不動。一。至天將微明。即便開火攻擊。故在軍事用語上。又謂之爲拂曉戰。此實今日戰術上之普通原則。並非直軍之特別發明也。刻有昔年留學德國之陸軍專家某氏語人云。現今新戰術有兩種戰略。一曰各個的單獨動作。一曰大量的聯絡戰爭。前者爲各軍各自打仗。得尺則尺。得寸則寸。不能顧及全部。勇猛之軍隊則向前。退縮之軍隊則向後。此爲程度不齊之軍隊所用之戰略。我國近年各軍所用之戰術。皆各個的單獨動作也。至於大量的聯合戰爭。則不以一

時一地之勝負爲勝負必至戰爭終結全體合算乃得見最後之得失也故其戰時有以攻爲戰略者有以敗爲戰略者有以進爲戰略者有以退爲戰略者總之不外合各軍爲一體或進或退或取牽制一由總帥之所命各軍不以一次得失爲功罪也此惟程度齊全學識優長之軍隊乃得採用此種戰術此次歐戰時各國所用之戰術乃此種戰略也吳佩孚自負能兵聞有預備採用此種戰術之議但直軍程度未必果能齊一採用此略是否果能有效恐尙是一疑問耳

●西人視察直奉戰地之實狀

世界多譏華兵不能戰以予所見則此次長辛店等處之戰較諸一九一四至一九一八年歐洲大戰所見之情狀殆不甚異所不同者華兵缺乏愛國心耳中國人以兵爲生業受人號令行事每不知前途所遭之危險爲何等身臨戰場閉口結舌神情索然見夥伴受傷在地血流遍體亦不見有何動色之相聞

空中彈聲飛過。遍於四周。亦置之不顧。挺身前行。如故在他人。或曰爲大愚。予以爲此。乃真勇氣之表示也。

記者與友人等在京。聞西山一帶砲聲。遙遙可聞。乃相偕赴長辛店觀之。先是據美國軍事家報告。謂京漢路戰事甚烈。尙不信。華兵果能打仗。故急欲親身一往觀之。初出京之一小時許。乘汽車疾馳而下。沿途未聞砲聲。但見男女老幼。耕於田間。仍與平時無異。村落中間。見穿半身軍服之兵士四五人而已。卽行至去前線四英里許。亦未見有何軍事運動。村落之中。情狀如故。店肆亦開門買賣如常。後於大道上。見紅十字會之大燈籠及白旗。始知戰事果開。陣中已有傷亡之卒。詢之辦理斯事者。知開戰之處。尙在長辛店西南二英里許。但炮聲則殊不聞。民間亦無逃難之象。一路旣無軍隊。亦未見載輸軍實之車輛。乃各下車而行。至蘆溝橋時。情狀亦尙如故。已忽隱聞隆隆炮聲。空中倏見白煙一道。乃知確有戰事。非一無事故可比。時復有美國海軍士官數人。乘汽

軍從對面來。謂見彼間放鎗炮頗烈。張作霖所統之軍。准彼等直至陣線觀戰。待遇亦優禮有加。記者等聞之。因復驅車而前。直赴長辛店。見道上爲各種車輛所擁塞。惟鐵路之旁。有一泥路。尙足容汽車前進耳。聞來復鎗與機關炮之聲。得得不斷。空中更時聞炮彈飛過之聲。時有一管理軍裝之軍官。導記者等前行。轉至火車路上。因欲仔細觀察。遂棄汽車而步行。行可數百碼。忽見有物墮地。其聲砉然。空氣亦爲震動。發響同行者。某嘗在法國參戰。此時立即伏地。餘人亦盡效之。彈落地處。去吾人所立處約百餘碼。衆意不無恐怖。知此間不能久留。乃復退還。至置汽車處。沿路而行。至一低長之谷道。見有中國房屋二所。一在山跌之下。吾人所乘汽車。即停於此。一在山坡。有兵士二三百名。伏處其中。又見各處散立騎兵多人。均立於叢樹之下。此外又有司運輸之兵。步兵。救傷之兵。甚衆。並不列陣。散處而談笑。意甚相得。此時耳畔雖聞種種炮聲。彈聲尙未見。戰爭實况。忽又見四旁塵灰揚起。有肩昇床而過者。數起床。上皆鎗。

彈榴彈所傷之兵士沈吟甚厲。乃知吾等已身在戰地。於是復開汽車向山而前。將至山半。見兵士往來者甚衆。見予等至。意殊不忤。且任由吾人爲之攝取照片。間有出餅乾相餉者。後見予等尙欲上山。乃加力阻。謂山顛適有戰事。爲狀頗烈。去必不測。予等告以略觀亦可。遂由其一形似排長者先予等而行。至山上。察看一過。歸謂予等曰。彼間放炮甚烈。若必欲一往。是自欲冒險也。予等堅意一行。遂不顧其言。相率而登。手足俱施。蛇行而前。聞子彈飛過。則臥地不動。尤不敢舉首向上。防爲人所見。迨既至山頂。乃得見中國兵士作戰之實狀。時見一寬廣之平原。爲路可一英里許。有六寸徑大炮排列其間。一無遮蔽。卽炮手亦無掩蓋之具。對面直軍之炮手。雖不可見。爲距當不過一英里。平原之上。卽機關鎗來福鎗所及之地。子彈落地者。數以千計。各處塵灰飛揚。轟炸之聲。尤時時可聞。炮手有中彈而仆者。餘衆皆視若無睹。下面亦有步隊機關鎗隊放鎗不絕。此卽戰爭也。

予等觀戰。可十分鐘。亦不自覺地位之危險。後見直軍鎗火似專向吾等方面。而發。殆疑吾等爲新來之生力軍也。吾等不無戒懼。遂仍蛇行而出。將至半路。有炸烈性之砲彈一枚。適過吾等之上。倘爲榴霰彈。必受重創矣。將至山半屋。中兵士適奉命退走。吾等亦疾行下山。既登汽車。則見山半之屋已爲砲彈轟去。吾等數人疾馳而行。去長辛店已遠。乃敢喘息自經。此遭予乃知中國兵士非不能戰者也。

●奉方津貼報紙之盲言

奉軍軍紀太壞。京津商民在平日無不畏其騷擾。數年以來。大失民心。此次張鬚入關。識者已早料其必敗。顧北京爲奉軍勢力範圍地。雖戰敗無敢直道其詳者。凡受奉方津貼之報紙。則大發號外。謂奉軍如何得利。保定如何兵變。田中玉如何被馬良逼出。云云。閱之頗堪一噓。猶憶前年安福系之公言。報今日乃有繼統者。（按北京至上海及漢口之電線。現皆因軍事之故。盡行斷絕。故

保定濟南方面。決難通訊。至無線電台亦以前線砲聲之故。頗感困難云。至如上海某某等報紙。一則傳遞吳佩孚用綠氣砲之謠言。更煊染以馮軍黑氣砲之時評。一則宣傳吳氏陣亡。且加以蓋棺之定論。在帶有張鬚色彩者。固不妨捏造黑白。然報界之貽羞已難湔滌矣。

●西報力闢孚威陣亡之謠傳

字林報評論云。英文士吉百齡有爾口殺人之詩。近日北方傳來之消息。頗復類此。本報北京通信員來電。已證明吳佩孚未死。所謂陣亡。乃出他人宣傳。作用觀直軍在長辛店之大勝。則吳非特未死。且更虎虎有生氣也。推此項謠傳之由來。與東方社所傳張作霖之談話。直軍到處搶劫。百姓遭殃等語。殆皆同一淵源。即北京某重要通訊社所報星期三之戰事。與後來所報亦絕對相反。其故皆出於宣傳政策。蓋張作霖方面接近京畿。故宣傳鼓吹較直軍方面爲易。據聞二軍初戰時。奉軍所俘直兵。皆豫省最爲下乘之卒。此爲稍知吳佩孚。

軍略者所能逆料大抵吳卽驅曹銀所部劣兵首先赴敵稍糜彈樂以引奉軍而本人則集合精兵乘時乘地進而一擊長辛店之役當卽如此惟吳佩孚究在何地殊難令人捉摸但知長辛店之戰嘗親自指揮進攻奉軍右翼耳吳本人與其所部一臨戰陣皆非坐耗軍需者此觀於直皖之戰與去年湖北之戰而可知也字林報非有袒護吳佩孚之意亦非謂吳佩孚果卽中國之救主所當聲明者張作霖方面傳出之消息不當全以真金視之其中不無有他物和雜也中國內亂數次然捏造消息之多則未有如一星期以來之甚者意者吳佩孚軍事倥傯未遑注重於宣傳故紙上之戰不得不讓他方面獨出頭地若至實力相爭則他方面乃難出吳佩孚之上矣

●各國觀戰員之批評

據戰場上之消息兩方在此三日中（廿八廿九三十）忽進忽退忽勝忽敗而於相爭之陣地初無大變又據各國觀戰員批評此三日中之戰况或稱兩

方戰術均佳。或稱兩方互有優劣。有不易驟然推倒。何方面之勢。蓋此次直奉兩軍皆不至見陣而潰。實稱爲能戰之軍隊。戰至數日。死傷至千計。兩方各死一旅長（直董政國奉梁朝棟）而又傷一師長（奉鄒芬）實爲前此所未聞也。

●中國向來未有之惡戰

某外人云。中國向來未有之惡戰。今日方沿極長之戰線上進行。其最近處之長辛店距京僅十七哩。此次戰爭並非如昔日之徒演一滑稽劇。軍士作戰時既不飲茶吃飯。亦不閒談。大砲轟擊聲。來福槍及機關槍之射擊聲。幾無片刻停止。前線軍士應聲倒地。前仆後繼。傷亡委積。凡歐西劇戰之慘狀無不畢呈。長辛店盈千累萬之奉兵。軍容甚盛。訓練頗精。悍不畏死。此種惡戰使西國兵士當之亦不免有畏色。兩方至戰酣時。開花彈。呼呼作響。自頭上飛過。一經着地。震人欲聾。若僅就戰言戰。則此次戰事亦足以稍雪軍人。但知奪利不能臨。

陣之恥矣。

●猛戰後奉軍將敗之消息

此次戰爭以京漢爲西路津浦爲東路廊坊固安方面爲中路雙方軍隊有十餘萬之多戰線蔓延有三百里之長惟京中距離東路稍遠故戰事不得其詳中路曾有奉軍佔領固安之說但聞吳佩孚業於一日親自赴榆垆督師則直軍已渡過永定河北岸固安似未失也西路戰鬥卅夜最爲猛烈京中人民終夜聞砲聲隆隆不絕直至一日上午十時始已其結果奉軍前日所得之陣線均經退出而直軍馮玉祥部由良鄉分兵突然圍攻黃村奉軍未備直軍直衝至豐台發生激戰奉天之高級軍官多有陣亡者（如梁旅長卽其一人）以致今日京津快車不能通行顧此間輿論界終不敢說奉軍敗退蓋懼其勢也今夜雖有砲聲似距離較遠頃得某方面報告謂馮師將攻廊坊但廊坊在百里以外決不致聞及砲聲要之今夜戰事必較前兩夜再爲猛烈於戰局形勢

上必有進步而最後之解決則必須大戰也。

●都門圍困中探得之戰況

五月六日某君自北京通訊云二十九日直軍退大城馬廠時南鐵道毀去一段嗣後迄未修復郵電皆阻初一日直軍前鋒小隊逼豐台傳京津上午車停黃村不進都城大震時駐京奉軍兵皆四去僅鄒師一小部守皇城謠傳王懷慶十三師已動至二日上午奉軍猶報捷人心稍定東城大旅館六國在使館界北京在保衛區域內余偕友人錢範孫住北京後移六國飯店旅客密如蟻後來者皆被擯八埠姊妹花多偕其所歡居住西直門外砲聲歷歷可聞館中人無可事事皆側耳探消息達旦皆擣蒲聲使館軍隊出防前門斤墩隊直抵朝陽賴以無恐三日拂曉奉軍敗報達到一師九師皆戎裝登陣上午京奉車阻知豐台有激戰後探知奉軍由此分兩路退兵一軍退落堡一軍退南苑並無大接觸然此一日中館中頓寂旅客等伏室中不敢出亦不敢復言賭也米

價最高時至二十元。大店不敢賣此價。小店賣之。然余等二人所費。每日可二石米。實不曾向街頭買一粒也。

都中百業荒落。猶寶糧食如珍珠。四日上午。吳代表錢少卿晉府。報告前敵情形。人心略安。然四城尙閉。防潰軍竄入。下午聞張景惠至。範孫出至外部。薄暮始歸。謂余曰。張景惠或仍不可動。府中謂絃五作戰非本意。當仍畀察任。外間謂張氏此番臨敵。極含深意。睹此當爲信事。余謂範孫西路奉軍。僅一師兩旅。京中三師。傾向不明。前敵皆直。方精銳。絃五縱有十分大胆。亦不敢冒兵家大忌。此中線索。只瞞得老張一人。而關外子弟已賣却許多生命也。孫以謂然。五日。余與範孫出居私宅。唐國煌來。煮酒烹羔。強其談戰。國煌毅軍子弟也。謂此番戰事。奉軍卒取守勢。不知何故。虛糜其砲力。如此。上午接津電。張氏預備出關。京津間全隊撤退。近畿決無戰事。惟蘆台以東。將爲奉軍集合之點。張意或仍駐關內。亦殊不可知。余因詢其海軍抄襲果能奏效否。唐氏微笑曰。海軍開

赴渤海在斷奉魯之聯絡京奉瀕海之線莫如秦皇島凡到過此地者即知砲彈威力萬不能毀路兵艦傍岸有數十里之沙灘杜錫珪有多少陸戰隊敢負此任即欲毀路亦應調遣海軍天空飛機軍之便服兵士一擲炸彈全線皆阻何必杜氏唯奉軍注目實在山東大連運兵雖云恫嚇而東路軍隊必踰馬廠即在劫田督之中立此則皎然心理共聞共見者也

●直軍以羸弱誘敵之勝算

三日晨吳佩孚先以豫軍羸弱攻長辛店敗却數里奉軍以連日得利遂輕敵即晚吳派兵一營抄擊奉軍右翼遇敵斥堠半被俘餘伏田間入夜吳以大軍由正面進攻另以精兵數千繞道藉田間伏兵爲引線抄至奉軍之後奉軍方前顧未防後路陣地爲人所襲四日拂曉直軍直撲蘆溝橋奉軍前後受敵始悟中計張景惠急下令向豐台引退晨九時長辛店即爲直軍佔有是役吳佩孚親自督戰與戰兵士勇氣百倍故能一戰奏功直軍獲大砲槍械子彈無算

俘虜甚衆。

●直軍方面之紛紛報捷聲

(一) 鄂省捷報

鄂省軍署參謀處三日通告云。頃接保定專電。述前方情形云。直軍中路已進佔勝芳等鎮。奪獲大砲七尊。機關槍四架。槍彈甚夥。陣亡騎兵營長一員。奉軍總指揮張學良失蹤。旅長郭松齡重傷。東路已進佔白洋橋之線。奪獲大砲五尊。機關槍九架。子彈甚夥。俘虜官兵一百餘名。奉軍向馬廠退却。西路仍在長辛店相持中。又云。田家口附近之敵人。已被我軍中路右翼各軍猛烈擊退。紛向新安鎮及后奕鎮逃竄。我軍西路進擊。刻已佔領后奕鎮。現攻永清。大約今夜可佔永清。此役奪獲敵炮四尊。機關槍四架。裝械甚夥。並傷亡敵官兵甚多。我軍東路現攻馬廠。亦獲勝利云云。又云。頃接保定專電。敘述初三日戰況如下。(一)我軍東路自白洋橋戰捷後。卽向擊追。今日可取馬廠。(二)我軍中

路現在包圍永清縣。敵人接濟已斷。(三)我軍西路已佔領鳳凰山。(長辛店西方山地)敵人退至大虎山。吳使親率第二十一旅攻擊敵人側面。曹使親至西路犒軍。又云頃接保定專電敘述初四日拂曉西路戰况如下。我軍西路吳巡閱使親率第二十旅由馬鞍山繞攻敵人側背。敵勢不支。紛紛潰退。斃敵多名。奪獲軍械子彈無算。今日拂曉我軍完全佔領長辛店北方蘆溝橋一帶。吳巡使現正督率各部向豐台方面擊追。又曹吳兩使告捷通電。(銜略)頃據中路王司令承斌冬申電稱中路戰况。右翼自今早三點開始作攻擊。敵軍初尚抵抗。我軍十二及八十九團之各一部佔據高橋菜園及張莊之線。向信安猛攻。至早九點敵勢不支。漸漸向後退去。今晚將信安完全佔領。九十團於早十一點已將后奕鎮完全攻下。左翼孫旅自拂曉向敵猛攻。已將永清三面包圍。今夜當可攻克。投誠敵人官兵多名等語。特此電聞。曹銀吳佩孚江印

(二) 開封捷報

四日開封快訊云。頃聞官場方面。接到直軍捷電。探錄如下。(一)曹銀卅電云。我軍西路。於二十九日。在長辛店南南岡洞一帶。與奉軍激戰一晝夜。本日(二十一)午前三點鐘。奉軍大部紛紛潰退。我軍完全佔領長辛店。(二)劉駿昌東電云。我軍中路由霸縣與敵戰。敵傷甚夥。現已佔領茶鋪及南阜廟地矣。東路豔日早。我軍由白洋橋猛攻。已佔領姚馬渡。(中略)西路我軍乘勢猛攻。已距豐台不遠。(三)曹吳東電云。十萬飛火急。開封趙督軍鑒。頃據王總司令承斌東電稱。據王旅長維城報告。正面敵人係衛隊旅暨三旅之一部。由張學良郭松齡指揮。猛烈攻擊。夜不少息。今早三時。張以敢死一隊突前進。至二百米達。被我軍姜營擊退。死傷殆盡。敵仍向信安鎮方面退卻。我軍正在搜索中等語。又據司令王清臣報告。正面之敵係三八兩旅。昨夜漸漸不敵。今已向勝芳退卻。我軍正連合王旅追擊中。勝芳今晚可克等語。查此役我軍異常奮勇。堅志不拔。並奪獲敵人軍械馬匹無算。投降及俘虜數十人。敵人死傷

甚夥。聞有一營陣亡。連長四人之多。（中略）曹錕、吳佩孚、東成印、

（三）南京捷報

（一）此次在長辛店良鄉與直軍對峙之奉軍，係第一師全部並近畿第十六師全部及第二第九兩混成旅。經直軍第十三十五混成旅暨十一師之二十一混成旅鑿戰兩晝夜，互有勝負。至江日直軍二十一混成旅由鳳凰山門頭溝一帶之線壓迫奉軍右側背，奉軍不支，連夜逃遁。直軍於豪日早八點完全佔領長辛店。九時到豐台。晚間即到黃村。（二）奉軍第十六師及第九混成旅由長辛店潰退，經西直門向西苑退却。由北京王將軍、蔡陸兩師長於豪日午後已實行解除武裝。又奉軍第一師及第二混成旅由豐台分向南苑黃村通州密雲方向退却。直軍第十三混成旅已進佔豐台，第四混成旅已進至黃村。均在追擊中。（三）長辛店之役，奉軍騎兵團司令許蘭洲、旅長田獻章、梁朝棟、參謀長周子新均陣亡。第一師師長張景惠失蹤，旅長鮑德山受傷，鄒

芬投降。其餘中級軍官傷亡百餘名。目兵千餘名。被直軍俘虜約一營。直軍所獲槍械無數。奉軍京榆後路。已被直軍截斷。(四)永清方面。直軍王孫兩旅。李曹兩團。三面圍攻永清。奉軍堅守不退。直軍奮勇猛攻。四晝夜之久。至江日下午六時。隨將永清完全佔據。(五)張作霖於微早五時。見大勢已去。退至塘沽潛逃。出關臨行。痛罵將士無用。將其精銳軍械及重要物品。帶走十餘列車。狀至狼狽。並破壞京津鐵路數段。以避直軍追擊。(六)直軍微晚可抵天津。(七)薩上將帶兵艦三艘。已抵秦皇島。(八)風聞孫烈臣在奉。派兵拒絕張作霖以洩夙仇。(九)京津已無奉軍蹤跡。(十)京津要人已電請元首。罷斥張作霖。梁士詒等以謝國人。

●直軍飛機驚擾奉軍心膽之效果

文匯報六日北京電云。記者前電曾云。長辛店居北京咽喉。當爲此次戰爭之樞紐。今而果然。但該處奉軍據記者所見。軍械充足。精神勃勃。何以敗退。若是。

之速。果何故而致大潰。則記者亦與其他觀戰者同一茫然。事後察看戰場。大約奉軍軍紀。卽爲星期二三兩日。直軍飛機攻擊所擾亂。以致心膽俱喪。無意久戰。當記者星期二離長辛店後。卽有三四飛機拋擲炸彈。墮於鐵道飯店附近。炸毀鐵軌及軌道旁道路。並死傷數人。星期三晨車站附近復墜一彈。炸斃鄉民數人。未幾奉軍前線復遍傳吳氏將盡戮奉軍。摧殘長辛店之訛言。此謠大約因飛機中投下之檄文而然。於是軍士更無心作戰。星期四晨二時。奉軍卽全部下退。兵令張景惠於上午五時離火車站。是時直軍雖兩翼衝擊。但勢亦不甚猛烈。至八時。奉軍大亂。軍需砲械子彈及傷兵等遺棄滿地。競奔車中。據目覩者云。奉軍當時奔遁。慌亂之狀。幾如發狂。僅有軍官一人尙圖禦敵。其餘莫不倉皇圖遁。不俟車中人滿。卽強迫司機開行。至下午二時。奉軍已全在長辛店鎮外。直軍自西北而來。先發排槍一陣。無人回擊。遂安然入鎮。未幾吳佩孚馳至。布置防務。部署軍隊。整頓軍紀。直軍以佔領之易。莫不人人自詫。據

云初實無意前進。以接奉軍惶亂之諜報。遂行進鎮。吳氏軍略正面兵力微。而集中兩翼奉軍。以偵知後方有敵軍蹤跡。故亦未敢前進。奉軍子彈確已匱乏。但僅以日前任意濫發之故。亦未必遂無接濟。惟直軍隨吳氏久經戰陣。較未有經練之奉軍。自更勇敢也。况飛機爲近今軍事上必須之利器。奉軍有之不能用。至戰鬪時。瞥見直軍飛機翱翔炫耀於天空。心膽竟於是驚破。亦可見優勝劣敗之結果矣。

●軍艦截斷張鬚之歸路

薩上將鎮冰親率六艦。分布山海關秦皇島連山炯龍口一帶。連日迭電飛報。海籌永續。楚有各艦。在山海關。於江日望見往來火車。卽開砲轟擊。登時倒回。魚早復見火車。駛行以遠。鏡窺測似有奉軍各艦發砲射擊。車仍退去。此後如遇車來。仍當攻擊。云云。回憶張鬚率同奉軍入關時。聲威震懾。氣吞中原。不料一敗塗地。後有追兵。前無歸路。困在陷阱之中。幾成被俘之虜。語云。自作孽。不

可。活。張。鬚。之。末。路。如。是。真。可。爲。今。日。軍。閥。前。車。之。鑒。矣。

●直軍追擊奉軍之京津觀

七日晨開往天津之火車曾折回。據稱奉軍馬隊已在楊村掘斷路軌。鋸斷電桿。割斷電線。占據車站。旋有直軍一車開抵該處。奉軍紛紛逃亡。其散往村落間者。則成羣結隊。從事劫掠。此刻直軍分路圍捕。奉軍敗兵頗爲得力。並於沿途留置馬隊。以爲從事搜捕之助。然當直軍追剿迫急之時。困獸仍思反鬪。距津不遠處。曾見小戰數次。至軍糧城。則曾見大戰。其結果爲直軍俘獲奉兵一旅以上。山海關周圍之時。局仍頗混沌。聞奉軍已焚燬軍糧城。與塘沽間之橋二座。近兩三日內。灤州唐山等處。有奉兵數千名。四出覓食。狀至委頓。若輩因鐵路阻塞。故不能前進。山海關鎮守使曾在灤縣攔截奉兵數車。解除若輩武裝。遣令回奉。之說業已徵實。但鎮守使被迫撤退。鐵路駐兵。故奉軍已能前進無阻。吳佩孚昨仍留駐天津總站。協約國軍事當道。照會吳氏。謂其駐津實者。

一九〇九年和約。吳氏答稱。渠須留津。盡代理省長之必要職務。事畢始能離津。吳嘗語客。謂外間所傳。渠爲直軍要求二千萬。元及爲戰地人民要求八百萬元以償損失之說。並無其事。且謂渠所獲之戰利品。足抵軍費。渠非俟廓清直省後。不欲回洛陽云。

●奉軍傷兵之狼狽情形

奉軍敗兵過天津時。莫不恐有騷擾之虞。車站隙地。全爲兵車擁塞。每輛載兵二百人。計過津赴軍糧城者。已達八千人。又有萬人尙留站中。敗兵皆神情沮喪。自北路來者。並稱在長辛店廊坊連戰三日夜。迄未進食。亦不得片刻休息。現俱急欲回奉。津當局派兵守衛車站四周。不准敗兵一人離站。至給發麪包時。羣起爭攬。並索水甚亟。內有數人受傷。餘亦倦極。若僵。普通車務悉已停止。鐵路自豐台以下。全由軍隊管理。據美國觀戰員報稱。奉軍仍扼守馬廠外七公里之陣線。散漫開槍。但奉軍現無援兵。閑往陣前郊野。死屍數十成堆。傷兵

則紛向沿鐵路之戰地醫院乞求糧水其傷無人裹治狀極狼狽云

●報告勝負之活動地圖

直奉兩軍在京南酣戰之時都門外所設軍警臨時辦事處有電話與總辦事處相通有人見其辦事桌上各置有地圖一紙圖上有兩種異色之子用以代表直奉兩軍兩軍或進或退則移置其子亟以電話報告長官云某色進至何地某色退至何地而絕不一言某方勝負如何蓋不如此不足以表示中立也惟此種標示勝負之活動地圖至最後宣布真相時傾向何方乃於是決定尙何中立之足云

●奉軍高級軍官傷亡之數目

此次奉軍潰敗遺棄軍械物品無算傷亡官兵尤多據王將軍懷慶檢查奉軍高級官傷亡數目如下張旅長九卿兼吉長鎮守使在中路信安永清附近陣亡許旅長蘭洲率騎兵旅在中路信安附近擊斷左臂第一師第二旅旅長梁

朝棟在長辛店東南竹大嶺陣亡。二十七師趙旅長明德增援西路。在長辛店附近陣亡。十六師繆旅長漢臣在西路馬鞍山附近陣亡。其屍身尚在大灰廠。已特派專員裝殮。第二旅鮑德山在西路長辛店附近腿受重傷。軍隊撤退時團長一人不見。多係傷亡。旅長只見一員。張敘五司令現住京城。鄒師長雨田帶馬弁數員北去。張學良受有重傷。駐京奉軍司令部亦已潛逃。

●吳使電慰張鬚幫送出關之趣語

奉軍將領死亡過多。已無統馭之能力。戰事除津東一帶追擊衝突外。大戰可免。集中軍糧城之奉軍均退至灤州。吳佩孚抵津。寓專車。未下車。僅見楊以德。諭安慰民心。隨布告商民各安生業。又曉示軍隊騷擾者。斬令京奉路不許奉軍乘車運糧。站長違令者。軍法從事。並致電張鬚謂。勝敗兵家常事。希望爲有秩序之退却。否則我軍幫同送出關外。此種送客妙語。點綴於凱歌聲中。在吳秀才固說得寫意。在張鬚子能聽得入耳歟。

●鬚子辯子連帶損失之晦氣

此次戰場據外人估計奉軍死一萬三千人直軍死一千二百人互相比例奉軍生命之犧牲固較多矣至於兵費數日鬚帥之損失約須三千萬元而與鬚子連帶犧牲之張大辯子亦出資八十萬爲鬚子運動毅軍三日付款四日卽敗懊喪萬分迨逃走時兩人仍復狼狽偕行在鬚辯雖自稱患難與共而旁觀者莫不謂兩張連帶闖禍連帶倒霉確是鬚子與辯子結不解之緣所致云

●吳使譬喻打仗如打獵之得意語

吳氏前日到津後語楊敬林云我不過借作戰事上實習聊勝尋常之訓練耳張作霖的兵那裏配說打仗只如打獵一般雖勝者得意語亦可見奉方戰略之太不充足又奉軍在京畿一帶威懾炙手者三載於茲京城市民每借奉軍銜名嚇人不一而足大有張遼之名能止小兒夜啼之聲勢故當戰事開始無論何方之人皆有一種不自知所以然之心理卽交系人物亦有以奉敗爲可

快者此驕之過也。

●吳使對於捧場獻媚者之痛斥

梁葉張京宅查封均剩空屋細軟產業早經移抵某官僚慫恿吳辦二次禍首。吳曰「對張作霖宜結實剷除餘不岌岌須知彼等受張所買者張失敗後彼必改變心腸故予對於捧場者獻媚者均避之若浼我視政客如蛇蝎故得罪多然中國人民則對我表同情我何懼哉」六日各界犒吳軍於長辛店吳言「奉軍精神好尙未騷擾惟官長愛財致敗吾軍并不好仗民意而敗張作霖非戰功戰功不能言於內爭」但是言果出於誠心則此後之吳佩孚必能善於自保矣。

●吳使在津與各國記者之晤談

吳抵津後爲狀極憊然一到卽令傳見車站上等待之中外人物且先引見外賓外賓中有各國海陸軍官新聞家商家等晤見約二十五分鐘有問必對語

語皆有實在。其語各國新聞記者之語。謂今後目的有四。(一)早日統一中國。(二)早日取銷西南政府。(三)改良法律與司法行政。(四)軍人活動。以在本境爲範圍。吳云彼之大願在恢復秩序。使中國有機會得一真正爲代表性質之國會。其意若謂必須用兵。亦所不辭。但仍望百事可以和平辦去。又云十日來之事。極爲可憾。但勢不可免。則亦無法予目的。在見中國一統使中國能列於大國之林。此後不欲再賴武力從事。倘奉軍退出山海關。直省無其蹤跡。於願已足。今聞奉軍尙集大隊於灤州。倘不退出。當卽派兵驅逐。各記者詢以張作霖在滿蒙據地自雄。則如何。吳云張如爲政府辦事。則理應使滿蒙守法律而保秩序。彼亦不與干涉。惟望害國之兵。須與解散耳。直隸省內。彼當從速恢復平日情狀。各交通大道。當立卽恢復。京漢路已大衆可乘。京津路今日亦開。津奉路亦望不日卽通。津浦路亦須從速開通。英記者問若某國助張如何對付。吳云你們各國以爲如何。若不主張正義。請問華會是否有效。其

言之有物。已可概見矣。

●吳使代表之要求

據確實消息。吳使代表錢少卿等於謁見總統時。表示兩種要求。(一)所有戰事一切損失。要求張作霖賠償二千八百萬元。以二千萬賠償軍事損失。以八百萬賠償人民損失。(二)要求明令免張作霖東三省巡閱使及梁士詒葉恭綽張弧等職。加以懲辦。以爲掀動內亂者戒。至對奉軍如上所述情形。能辦到時。只求奉軍全部出關爲止云。

●禍首住宅之查封

懲辦禍首令下後。各禍首之住宅。均被軍警查封。六日上午警察薛總監帶領保安偵緝各隊。前往報子胡同葉恭綽寓所。但該宅並非葉氏所有。係屬賃居。自難完全予以查封。故將該氏住屋數間。以及什物等項。一一黏貼封條。令警看守。其甘石橋梁士詒之住宅。則爲步軍統領王懋宣帶遊緝隊前往。至時該

宅已無主人。祇有僕從數名。王當將僕從放出。其餘一律查封。至張弧處。係由左堂袁得亮帶隊辦理。張氏住在南長街。袁君到時。見門旁挂有三菱洋行招牌。高插日本國旗。內有日人數名。據稱該宅實係三菱洋行所有。張氏在此賃屋居住等語。袁君聆畢。頗事猶豫。旋將張氏住屋數間。實行查封。卽帶隊回署。銷差云。

●張勳敗後之財產處置

奉天方面張作霖之財產處置問題。聞張鑒於奉軍在豐台大敗之後。卽知風頭不佳。特託孫烈臣與王永江會同辦理。將其各銀行所存款項及奉天官銀號現洋計五千二百餘萬元。不動產及各項動產約一萬三千餘萬元。均由孫王二人代張改名抵押。或存儲於某國某某三銀行云。

●張勳敗後大發神經病

張作霖敗後之行蹤傳說不一。聞張於六日擬率領衛隊出關。計有十九列車。

有鎗無炮。乘坐火車行至灤州。卽將後路之鐵橋（灤州之南）炸燬。以阻直軍窮追。不料前面山海關被金某率兵一旅堵截。不能通過。後由日人用無線電調來軍艦一艘。至某處海岸保護張等出險。至十一日傳來確息。則謂張鬚。現在日本兵輪中。已患神經病。其子張學良確在唐山醫院傷重身死。張鬚如此收場。真不值得關外玉固一時之雄也。而今安在哉。

●交系人物逃遁之醜現狀

二重禍首梁士詒張弧。據天津消息。謂於五日五時鼓輪赴滬。葉恭綽本在津爲奉方充軍師。奉方一敗。聞得某國之保護。不日卽將東渡。又息則謂梁葉於江日搭日本商船。將取道朝鮮東渡。但又說則謂隨張作霖逃去。張弧在戰事前曾來京。戰事將發。先期赴津。京中大發號外。之二三報館所傳吳佩孚之死。據交部人云。卽係張傳來者。至如闕朝璽討吳通電。聞係四洮路局長闕鐸代擬。路政司長劉景山則調撥車輛。以供奉軍運輸。並免趙繼賢職。參事何瑞璋

對於妨碍敵派交通並檢查郵電及設法鉗制輿論等之條陳甚多現在三人中除劉景山以籍貫上關係（天津）尙在努力進取冀乘時攫取次長一席外其餘何闕二人業已驚駭萬狀一面設法收拾細軟變更不動產一面已預備即日提出辭呈不待批准即便遠颺云

●揭開內幕之直奉勝敗談

有由津附輪南來之政界某君云自北方政爭內幕觀之京津間之有識者自開戰之始已斷定此次奉軍必敗論者或謂吳軍空氣較好社會助力較多其勝在此但此種議論亦不盡可靠上年川湘之役自治軍空氣亦好吳之決堤名譽甚壞何以戰之結果仍是吳勝可見戰爭勝負仍決於戰爭之直接關係據吾人所知奉軍之敗有三大原因（一）以勞攻逸直軍根據向在保定對奉設防係以逸待勞此爲直軍優點卽係奉軍弱點奉軍遠居關外兵士入關皆有離鄉之感轉輸奔走疲勞已甚一旦驅之作戰竭蹶情形可以想見（二

主客異勢。直軍以天津保定爲自己鄉土。以奉攻直。無異以客攻主。中國人省界觀念極深。中下流社會。大半有仇視外省之心理。當奉軍入關時。直軍官對兵士演說謂：「關外人打到咱們家裏來了。太欺負咱們。咱們若不把他攆走。太無面子。」這幾句激發的話。比什麼統一愛國等之名詞效力強過十倍。故直軍是憤兵。奉軍是驕兵。憤則氣聚。驕則氣浮。此可斷言也。(三)軍心不固。直軍將士人人有生死存亡在此一舉之感。故有進無退。奉軍將士如張景惠。秦華。早與徐吳有默契。原無爭勝之心。其他如鄒芬輩。素稱闖茸。更不足恃。至一般兵士。大半存一勝則進。取敗則出關之心。理以爲勝固可喜。敗亦不足憂。故一聞敗耗。卽紛紛退潰。况王懷慶等於京西方面。在與直軍以便利俾直軍繞道房山一帶攻擊。奉軍側面。奉軍有舟中敵國之慮。直軍無左牽左掣之憂。綜而論之。徐吳早有密約。直勝則徐吳同存。奉勝則徐吳俱危。直奉勝敗在人民事前視爲大謎。在北京之最高當局早已爲『七日必有結果』之預。

言。今。後。中。國。風。雲。變。幻。其。機。括。均。在。此。老。袖。底。國。人。尙。悞。認。其。爲。戰。事。之。局。外。人。殊。可。怪。已。

◎西報對於吳佩孚之期望

大陸報社論云。奉直之爭。今已結束。奉固大敗。足見吳之善用其兵。按吳曾身歷兩次大戰。均勝。今與張戰。當然三路並勝。時至今日。奉之精軍死者。死潰者。潰聞張已逃入租界。如能回奉。已稱大幸。吳從此可以履行其統一與改造中國之政策。因其兵力實雄壯。中國無人可以抵抗之。除北方外。卽長江中心與吳之表同情者。均足依賴。若南方之孫文。最初推翻清室。因一有所得。及一九一三年。因反對袁之革命。未久亦失敗。一九一五年。蔡謬名震一時。袁之皇帝夢。遂未成實事。後黎元洪被安福所逐。及徐與老段之安福攜手。直系大不爲然。致有皖直之戰。吳大勝。奉張乘機大圖私利。吳反一無所得。去年吳又南下。將湘鄂事辦妥。始北上。孫文不幸。乃與奉聯絡。大約曾許孫。如吳敗。奉仍回關。

外將北京交與孫文。實則奉意在復辟。如不遂。卽自封爲王耳。但孫文之軍。由陳炯明統率之。陳爲吳之友。兩人常經左右。爲之通訊。在吳未攻湘前。本定利用南軍。合力敗奉。以統一南北。事爲陳所知。忽變計。致南軍大失所望。今吳旣大勝。可有全權力主和局。但吳務必拒絕各種詭計。不爲人所利用。而積極實行其改造計畫。則新中國必可實現。而吳之名永爲國人所不能忘云。

星報社論略謂。吳佩孚今已大破張作霖。各路奉軍莫不奔遁。一捷之下。吳氏固不難爲中國軍閥之巨魁。張鬚將竄居關外。一統帝國已化作春夢一場。孫文僻處嶺南。猶兀自在其北伐好夢中。倘吳氏得爲中國之一「迪克推多」。務必變易昔日諸「迪克推多」之行。逕吳氏今日正有絕好機會。掃除國中離攜份子。統一全國。建樹莫大之勳。苟能利用此機會。固可流芳百世。常爲國人所崇拜。若仍一襲前人故轍。亦必曇花一現。徒再溯往昔。太上督軍之陳跡。與並世諸武人同一失敗而已。深願吳氏幸勿輕失機會。而建不朽之事業焉。

●外人揣測吳佩孚之政治計劃

文匯報社論略云。吳佩孚二大政敵。今俱擊敗。嗣後其政治計劃。果將何從。深有討論之價值。據日前各電觀之。吳因懼受政客之擾。不願入京。仍爲一剛毅之軍人。視軍隊問題較政府問題尤爲注重。但此仍吳氏平昔之行徑。吾人猶憶兩年前吳氏主張召集國民大會。以圖建設穩固政府。曾以各方面反對而中止。其後復因有人製造空氣。深相排擊。遂致兩年來深自韜晦。不復以救國英雄自鳴。然華人仍有贊助吳氏者。則因張吳相較。吳優於張故也。吳氏今日有三途可取。(一)召集國民大會。以期設鞏固之政府。(二)先與南方得有諒解。後再召國民大會。(三)以兵力平南。後再設統一鞏固之政府。於此三者。就記者觀之。當以中策爲宜。年來中國飽經流血之禍。民生憔悴。不宜再起內爭。而孫吳間之妥協。亦非不可能者。且吳氏之國民大會。不得孫氏贊助。其決議亦未必能適於南方。若中國欲着手於憲政改革。其唯一之真正建設。

政策宜先召集舊國會而依法解散之再行選舉產出新國會由此建設一種政府此項計劃固不過一復五年來之歷史但以歷年之經驗及驟興之輿論勢力當可防阻北京政客自私一念所鑄成之大錯南北兩方不乏聰明忠誠之人俱願爲國宣勞如能出而輔導政府則孫氏近五年之擾攘不盡無益而吳氏將建莫大之勳遠勝於僅僅鏟除奉張之勢力已也

◎孚威智賺鬚軍之餘譚

直軍善布疑陣凡駐紮處必依山阻水尤緊靠林木往往斬榛莽披以兵衣戴以軍帽遠望之若軍隊一簇月黑昏夜命軍士在叢莽中連開排槍射擊奉軍聞聲以大砲抵禦則寂然無聲已復蛇行包抄兩翼或夾擊後路黑夜偷營更用一種聲東擊西法派人在非要隘處用巨鞭砲裝入空洋油箱內懸之樹杪暗襲時燃之遠聞若快槍敵卽逕望此等處追逐直軍乃用勁旅截擊其腰尾吳在長辛店固安馬廠一帶遍地埋伏地雷奉軍死傷不少更命兵士僞作

鄉民散居村落以金錢糧食結歡鄉民故地理非常熟悉奉軍硬拉鄉民挖埋地雷甫埋畢奉軍去鄉民卽報告直軍掘之攻豐台時撥一部分直軍假扮作多數逃難鄉民提囊挈榼挾被褥蹣跚於奉軍四周陣地俟人已到齊卽拋囊棄榼丟被褥取出炸彈石灰包向奉軍陣地猛撲奉軍毫無準備措手不及未幾而直軍大隊如疾風狂雨驟至豐台遂入直軍手此次戰事奉軍勇毅堅忍再接再厲然每以此故常受直軍暗算直軍布陣靈敏每次臨敵皆用新式戰術卽以戰坑一項而論其挖出之土散布四周如平地並不堆起爲架槍之用敵人殊難取得目標而攻之奉軍大砲係得自邊防軍彈僅九百發吳固稔知之戰事起吳偵知該砲移置長辛店卽派一軍官駐良鄉高土山專紀奉軍發大砲響數計至三日午已近千數吳佩孚聞報曰可以進攻矣北京某使館武官赴長辛店觀戰歸曰奉軍用砲太無經驗計該砲一彈約值三百元豈有發千響而本陣地毫無進展之理可見奉軍太不經泰矣戰事未開火

世交民巷某西人發售張吳之勝負彩票每張一元吳佩孚票售至四萬餘號張作霖票祇售七千餘號結果奉張失敗直吳大勝戰事香賓之大彩當然屬於購吳者事雖滑稽然人心之向背亦可見一斑矣

●曹錕之戰勝通電

各報館公鑒民國締造備歷艱難凡我袍澤咸思共濟張巡閱使握符三省兼控蒙疆乃不以國家爲念惟知擴充兵力壟斷政權擁庇私人攘奪國帑近復無故調兵扼據京津此其包藏禍心早爲海內所共見乃託詞以武力爲統一後盾剪除異己破壞國家以錕近在畿輔拱衛中央遂不惜干冒不韙首發大難五師十餘旅之衆佔據京津浦京漢各路線節節進攻佈置戰線三百餘里通車運兵晝夜不絕國內耆碩交電勸阻曾不稍戢野心曲從公論錕素抱和平宗旨迭經通電忠告不加省察益肆恣睢錕以安民保土職責有歸迫不得已爲正當之防禦曾於勘日通電全國是非曲直天下昭然所幸大義旣明

人心共應。本省將士戮力同仇。四方義師千里援應。迭於長辛店。永清馬店。大城等處。連獲勝利。其在西苑南苑通州等處。殘餘軍隊。均令繳械遣散。所有奉軍傷亡俘虜官長兵士。均經分別醫藥給養。優加待遇。現在奉軍紛紛潰向灤州。外國公使至函我外交部。指詰張使擔負擾害責任。足見順逆所在。中外同情。此次奉軍士卒之衆。器械之多。自謂橫行無忌。曾不數日。遽致消亡。此皆由人心公理。戰勝強權。非銀與諸將士之力所能致。此在銀承乏連圻。自不能不盡擁衛國家保障人民之責。惟念作戰雖不決旬。而環顧奉軍經過地方。閭里爲墟。瘡痍滿目。人民生命財產。傷亡損失。何堪數計。潰退之際。猶復肆行荼毒。焚掠姦淫。無所不至。傷心慘目。莫此爲甚。窮究禍根。皆張使一念爭攘政權所致。張使此時清夜自思。甯復不知悔恨。銀奉命保疆。德薄能鮮。未能先事弭消。撫躬自疚。寢食難安。一俟直省全境甯謐。銀卽解甲待罪。決不稍戀兵權。致違素志。竭誠敬佈。企候教言。曹銀叩庚印。

中央國史編輯社廣告

段祺瑞正傳

段氏爲民國要人凡三
 組內閣三造共和對於
 政潮皆當首衝其生平
 歷史如促成共和反對
 帝制復辟討逆參加歐
 戰皆於民國大有關係
 惟果於自信排除異己
 挾制政府袒護安福乃
 其短處本書對於段氏
 一生事跡備載靡遺末
 編復搜集其生平軼事
 從實登載尤饒趣味當
 亦閱者所樂聞也

中華民國十一年五月再版

直奉大戰史一冊

定價大洋四角

版權所有 翻印必究

編輯者 競智圖書館

校勘者 競智圖書館

發行者 競智圖書館

分發行 神州書局

各省發行所

廣東北京開封

上海漢口

神州書局

上海图书馆藏书



A541 212 0016 1503B

